


Hende muher na Aruba ta gana un averahe di Afl. 455 menos cu homber pa luna



Pagina 2

- **Gran parti di entrada extra ta pa aumenta salario na lugar di paga debe**

Pagina 3

- **Fast Ferry entre Aruba y Corsou ta drenta fase di implementacion**

Pagina 6

- **Frontera di Aruba cu Venezuela ta keda cera pa cuatro luna mas**

Pagina 4

Jayburtt Dijkhoff, PhD

CURSO CON PA
GOBERNA UN PAIS

Curso practico pa un mihor futuro

E curso ta basa riba investigacion cientifico y ta duna un bista amplio riba e situacion real tocante e fayonan di e sistema.

E meta ta pa empodera cursista pa ta e mihor politico, consehero, coordinador y ciudadano den e ambito publico of profesional.

E curso tin un duracion di 6 siman y ta inclui: material, presentacion interactivo y certificado.

CURSO TA CUMINSA

FECHA : 3 SEPTEMBER 2024
ORARIO : 6:30 - 8:30 P.M.
LUGAR : TA WORDO INFORMA ORA DI INSCRIBI
PRIJS : AFL.750,-

Inscribi na:
sikiaruba@gmail.com

Puntonan clave
Manera:

- **Estado di Derecho**
Con leyman ta traha pa haci maneho y pa evita mal uzo di poder
- **Democracia**
E fayonan di democracia y con pa haci esaki fungi mihor pa tin inclusion di berdad
- **Financia un pais**
E situacion real di nos pais y kico por wordo haci
- **Trias Politica**
Con esaki ta funciona y kico por haci pa nos por yega na un sociedad mas husto
- **Con pa maneho un pais**
Kico investigacion ta muestra cu no a bai bon den e sistema y kico si por haci pa awor y un futuro mas briyante ainda

SIKI
SIKI ARUBA WWW.SIKIARUBA.ORG

Gobierno di
Corsou ta cay:
MFK no ta
dispuesto pa
sigui traha cu
Mercelina y
Osepa




Pagina 9

Huma di
candela na
Amazonia
ta yega 10
estado di
Brazil



Pagina 10

Ucrania a lansa e mayor atake cu drone na
Moscu y otro region di Rusia



Pagina 24

Mientras cu tin mayor participacion den forsa laboral,

Hende muher na Aruba ta gana un averahe di Afl. 455 menos cu homber pa luna

Den su rapport “State of the Economy” 2024 Q1, Banco Central di Aruba a dedica un espacio chikito na un reflexion riba desigualdad di genero na Aruba den contexto di e “gender wage gap”, es decir e diferencia di salario entre homber y muher na Aruba.

Manera e rapport ta indica, desigualdad di genero ta e ausencia di igualdad di genero. E di dos concepto aki ta sugeri cu homber y muher, mucha homber y mucha muher, tin condicion, trato y oportunidadnan igual pa realisa nan potencial plenamente. Den e estado aki, nan tin derechonan humano y dignidad igual pa contribui y beneficia di desaroyo economico, social, cultural y politico. Un “gender gap” – un diferencia desproporciona entre homber y muher – ta indica desigualdad di genero.

Un “gender wage gap”, of diferencia di salario pa genero, ta existi na momento cu tin un diferencia entre e entrada averahe di homber

y muher. Datonan obteni for di Banco di Seguro Social (SVb) di Aruba ta indica un gap consistente entre e entrada averahe mensual di homber y muher na Aruba (Figure 1).

E desaroyo den e Chart 1 ta ilustra cu na Aruba, homber – pa e periodo pa cual tin datonan disponible – semper a gana mas placa cu muher. Durante e periodo aki, homber a gana, den averahe, Afl. 455 mas. Mester nota cu e datonan aki no ta corigí pa educacion, similaridad di posicion laboral of experiencia laboral. Tambe ta importante pa destaca cu muhernan Arubano tin tendencia di ta sobrerrepresenta den sectornan manera actividadnan di acomodacion y servicio di cuminda. E sector aki ta entre esnan cu salarionan mensual mas abao. Banco Central ta nota cu e sobrerrepresentacion aki por pusha abao e salario averahe pa muher. E diferencia specifico di salario pa genero, cu ta calcula como e diferencia entre e entrada averahe pa homber y muher, ta ilustra den Chart 2.

E diferencia di salario pa genero ta bin reduciendo consistentemente desde e di dos kwartaal di aña 2022. Den e prome kwartaal di 2024, e diferencia di salario pa genero a baha na Afl. 394 (of 10.3 por ciento) for di Afl. 418 (of 11.1 por ciento) den e ultimo kwartaal di 2023. Den e prome kwartaal di 2024, muhernan a gana un averahe di Afl. 3,426.0 y homber a gana un averahe di Afl. 3,820.

Den e prome kwartaal di 2024, e diferencia di salario pa genero ta marca e cantidad mas abao registra den e periodo pa cual tin datonan disponible. Na comienso di e serie di dato aki – aña 2018 – e diferencia di salario pa genero tabata Afl. 615 (of 16.1 por ciento), cual ta Afl. 221 mas halto cu e diferencia den e prome kwartaal di 2024. E tendencia di reduccion den e diferencia di salario pa genero ta bin pa motibo di un aumento skerpi den e salario averahe pa hende muher compara cu homber. Esaki por refleha e decision di dunadornan di trabao pa

aumenta salario di muhernan pa motiva nan tasa di participacion den forsa laboral, mirando e mercado laboral preta na Aruba, particularmente despues di e pandemia di Covid-19. Pa e caso specifico di Aruba, e tasa di participacion di muhernan den forsa laboral semper tabata mas halto cu pa homber.


Bureau Central di Estadistica (CBS) ta midi e participacion di e poblacion di 15 aña di edad bay ariba den mercado laboral durante cada Censo di Poblacion y Vivienda, y a base anual door di e Encuesta di Forso Laboral. E ultimo data di censo ta di aña 2022, y den esaki a indica cu den ultimo seis decada por observa un caida den e participacion di homber y un aumento den e participacion laboral di muher. Mientras cu na aña 1960, 84.1% di homber di 15 aña of mas di edad a participa den e mercado laboral, pa 2022 e tasa di participacion di homber a cay na 63.5%. Di otro banda, e tasa di participacion di muher a aumenta di 27.4 por ciento na 1960 pa 59.9% na 2022.

Consecuentemente, e tasa di inactividad di homber a aumenta entre 1960 y 2020, di 15.9% na 36.5% na 2022, y e tasa di inactividad di muher a cay di 72.6% na 1960 pa 40.1% na 2022.

Na juli di 2022, mas muher a participa den mercado laboral cu homber, 27,383 muher compara cu 26,466 homber.



For di Encuesta di Forso Laboral mas recien na 2023, CBS a nota cu e grado di desempleo di hende muher a baha di 5.2 punto porcentual na 2022 pa 3.9% den november 2023. E grado di desempleo pa homber a muestra un aumento leve for di 3.2% na aña 2022 pa 4.0% den e mesun periodo aki.

Segun Banco Central, na un prome bista, e reduccion den e diferencia di salario pa genero ta indica mas igualdad pa muhernan di Aruba den termino di entrada. Sinembargo, ta nota cu mas accion ta necesario pa trece e salarionan di homber y muher na paridad, incluyendo medidanan di politica inicia pa Gobierno di Aruba pa atende cu desigualdad di genero.



Note: This data is not corrected for education, job similarity, nor work experience. The data includes wages of employees that are covered under the accident insurance (“ongevalverzekering”).

Source: Sociale Verzekeringsbank Aruba



Note: This data is not corrected for education, job similarity, nor work experience. The data includes wages of employees that are covered under the accident insurance (“ongevalverzekering”).

Source: Sociale Verzekeringsbank Aruba

Gran parti di entrada extra ta pa aumenta salario

Na lugar di paga debe



Te awor nos no por a mira interes mayor pa e ronda di indexering cu gobierno a dicidi pa su empleadonan y otro asalariado cu ta riba payroll di gobierno. Manera indica anteriormente den e medio aki, e 11,7% di aumento di salario lo tin consecuencia grandi pa e suma total cu gobierno lo bay paga den e proximo añanan na gasto di personal.

Esey ta tambe di interes pa e discusion tocante e norma nobo pa gasto di personal, cual ta 10% di nos Producto Interno Bruto (PIB, GDP) di un determinado aña, pa e total di gasto di personal di gobernacion den sentido amplio, no solamente gasto di e ministerionan, riba cual e norma di e supervision financiero te awor tabata basa. Tocante esey mas despues pero antes algun cifra basico.

Aumento di 11,7% pa ken?

E aumento di en total 11,7% a keda separa den dos parti di cual un parti (6%) ta ser duna durante loke a keda di e aña aki, mientras cu na 2025 ta añadi e porcentage restante.

Segun declaracion di gobierno mes, refiriendo na e suma involvi cu pago di aumento na e empleadonan di e fundacionnan subsidia pa gobi-

erno, esaki pa 2025 ta encera un suma di Afl. 20.600.000 pa 1.000 empleado.

Tumando esaki como punto di salida, cuanto e totalidad di e operacion financiero ta bay costa? Esey ta depende di con grandi e payroll actual di gobierno ta. Nos no ta dispone ainda di presupuesto 2025, pero como referencia algun cifra reciente.

Den e ultimo reportahe financiero di 2023, entrega na mei 2024, gobierno tabatin na e ministerionan emplea 3.416 persona. Hunto cu e personal di enseñanza (publico) y Kustwacht esaki ta duna un total di 4.241 persona emplea cu ta ricibi e aumento.

Pero esey no ta tur, pasobra tin mas grupo cu ta riba payroll di Pais Aruba, manera e entidadnan institui via Constitucion: Parlamento, Algemene Rekenkamer y Raad van Advies.

Nos no tin cifra actualiza di nan payroll, pero e analisis di IMF, haci na 2019 pa gobierno di Aruba, ta menciona un total di 245 persona, cu tabata ricibi Afl. 21 miyon na salario.

Ta trata anto en todo caso di un grupo di 4.500 persona cu ta haya e aumento completo aki na 2025. E suma invol-

vi den esaki lo ta anto $4,5 \times 20.600.000 = \text{Afl. } 92.700.000$, casi 93 miyon?

Hunto cu e suma pa e fundacionnan ta trata anto di un suma adicional di Afl. 113.300.000 pa aña 2025?

Esaki ta trece cierto duda cerca nos. Manera nos a publica anteriormente, gobierno tin un payroll total di alrededor di Afl. 700 miyon.

Nos por mira cu na 2019 ya gobierno tabatin Afl. 677 miyon na gasto di personal. En berdad cantidad di personal a mengua, pero di otro banda tabatin aumento di gasto.

E propio sector di fundacion subsidia den e analisis di IMF menciona tabata encera 858 persona y awor gobierno mes ta papia di 1.000 persona.

Na 2019, 858 persona tabata costa Afl. 72 miyon; mil persona lo ta costa riba e promedio di e tempo ey (83.900 florin), en total Afl. 83,9 miyon.

E eror aparentemente ta den atribui e Afl. 20,6 miyon na e fundacionnan cu ta solamente un parti di e categorianan subsidia, cu en total na 2023 a costa algo mas di Afl. 223 miyon, di cual un gran parti ta subsidio di salario.

E suma di Afl. 20,6 miyon lo ta coresponde na henter e sector subsidia.

Di tur manera, e grupo di asalariado paga pa Pais Aruba ta encera cerca di 2.300 persona den sector subsidia, incluyendo enseñanza no publico subsidia, y e grupo di empleado publico di por lo menos 4.500 persona.

Por observa cu den e proyeccion multi-anual cu CAft ta presenta den nan conseho riba presupuesto 2025, entre 2023 y 2025 gasto di personal ta aumenta cu Afl. 51 miyon y gasto di subsidio cu Afl. 27 miyon, en total Afl. 78 miyon.

Un parti grandi di esaki por atribui na e aumento salarial.

Gobierno tin e fondonan pero no e corecto

Si e pregunta ta si gobierno tin e fondonan pa un operacion di e magnitud aki, e contesta lo ta afirmativo.

Pa 2023 y 2024 e medidanan di impuesto, hunto cu e recuperacion economico despues di e crisis di 2020, a percura pa un aumento sin precedente di entrada pa Pais Aruba.

Reporte preliminar di 2023 ta duna un suma di algo mas di Afl. 200 miyon pa 'gewone dienst' di gobierno.

Sin embargo, uso di esaki ta mara na cierto condicion segun e acuerdonan cu Hulanda den cuadro di supervision financiero.

E criterionan aki ta defini cu e promer 1% di surplus di e 'sector colectivo' ta destina completamente na pago di debe di Pais Aruba.

E demas suma disponible di surplus por ser usa 50%/50% pa paga debe y haci inversion.

Gobierno a haya notificacion caba di e organismo supervisor CAft cu no por usa placa di e surplus pa aumenta salario, pero cu por haci esaki via traspaso di placa destina na e gastonan structuralmente menos di 'bienes & servicio'.

Esey no ta parce di ta duna

tanto perspectiva; e mesun reportahe di cuartal 4-2023 menciona anteriormente ta duna un suma di alrededor di Afl. 15 miyon menos gasta na 2023 pa e categoria aki.

Ni varios aña presupuestario hunto, pa e gastonan di bienes & servicio austeriza, no ta yega na e suma cu gobierno kier dedica na e aumento di gasto di personal cu ta ripiti cada aña venidero.

Mester tuma na cuenta cu mas gasto di personal ta resulta tambe di e aumento automatico di payroll cu ta bin di e asina yama 'periodiek' den e schaalnan aplica, cu no ta mara na evaluacion di prestacion individual.

Sin mas personal na trabao, anualmente gasto di personal semper ta sigui crece. Hunto cu e aumento grandi aki di salario, e consecucionan na presupuesto ta muestra di mester bin di e surplus cu mester bay pa paga debe y inversion, y paga mas salario no ta inversion.



Frontera di Aruba cu Venezuela ta keda cera pa cuatro luna mas

Mediante un comunicado di prensa, Gobierno di Aruba a informa cu frontera aereo cu Venezuela ta permanece cera pa cuatro luna mas. Aunke no a duna mas detaye, esaki por ta debi na situacion politico y social cu e pais bisina ta enfrentando na e momentonan aki despues di eleccion di dia 28 juli ultimo.

Frontera cu Venezuela ta cera desde aña 2019, na momento cu Gobierno di Venezuela a cera e frontera unilateralmente. Na mei di 2023 a habri e frontera maritimo basa riba palabracionnan haci entre autoridadnan di Aruba y autoridadnan di Venezuela.



For di e momento ey, diferente instancianan na Aruba a cuminsa prepara pa habri e frontera aereo y tabata spera cu den prome kwartaal di 2024 lo por a duna un indicacion di ki dia e frontera aereo lo habri, pero esey no a sucede. Por recorda cu na decem-

ber ultimo, diferente medio Venezolano tabata indica cu Aruba ta preparando pa reapertura di frontera aereo cu Venezuela, unda cu e decision ey a cay di sorpresa na e fuentenan relaciona cu e sector aeronautico Venezolano, cu tabata señala cu tabata “casi sigur” cu lo kita e

prohibicion aki na comienso di 2024, despues cu Corsou a dicidi di habri back e trafico aereo na april di aña pasa.

December di aña pasa, prome minister Evelyn Wever-Croes den un conferencia di prensa a bisa cu “Ora cu nos a habri e frontera maritimo cu Venezuela na comienso di e aña 2023, den prome mita di aña, un di e condicionnan tabata cu Venezuela ta bay haci mas na controlnan preventivo na su costa, specialmente estado Falcon, cu ta esun mas cerca y cu mas frecuentemente ta sali boto pa Aruba.” “Nos no ta mira mucho di esey ta tuma lugar. Pasobra nos ta weita varios boto cu a dreña, y e ora ta muestra cu di

nan banda no ta haciendo suficiente. Pues un di e prome cosnan cu nos a haci ta pidi nan pone mas atencion riba e aspectonan preventivo di e control di costa ayanan,” el a agrega

Considerando cu entrada ilegal ta bira un forma pa dreña Aruba mientras cu e frontera legalmente ta cera, Wever-Croes a sigura cu “Comunicacion cu Venezuela ta bay a traves di ministerio di Relacion Exterior di Hulanda, door cu relacion exterior ta un asunto di Reino,” Wever-Croes a indica. “Y akinan, nos departamento di Relacion Exterior, embahada, consulado, tin contacto cu otro tambe.”

Go Cultura Foundation a anuncia su conferencia dedica na industrianan cultural y creativo

Recientemente, fundacion Go Cultura a anuncia riba su rednan social un evento cu nan opinion, lo ta bay marca historia como e prome conferencia dedica na industrianan cultural y creativo, durante cual ta bay reuni un red di talento pa tene discusion y colaboracion.

For di momento cu Go Cultura Foundation a lanta na 2017 nan ta bin trenciendo dilanti cu industrianan creativo na Aruba mester di mas reconocimiento, apoyo y sosten. Sinembargo, tur pais cu a formalisa e industrianan aki a demostra cu esey no por keda na palabra so, sino cu mester actua pa cristalisa e desaroyo y bienestar di e ser humano.

Por a recorda cu na april ultimo, Edjean Semeleer, fundador y embahador di Go Cultura Foundation, a splica cu oficialmente nan a lansa un encuesta den cual nan kier a colecta data y informacion pa por midi e potencial economico di e industrianan cultural y creativo, pa haya sa kico ta e reto y desafionan cu e sector aki ta haya su mes aden, pero basicamente pa na final por tin evidencia y cifra cu por demostra e potencial, pero tambe por sa e necesidadnan y ki programa por desaroya pa por yuda e sector aki. “Pa e artista of e creativo por ta mas exitoso den su emprendimento cu plannan na corto, mediano y largo plaso y nan por desaroya den un industria y demostra den un



par di tempo cuanto empleo y ingreso e industrianan aki ta genera.”

Pa por a realiza esaki, Go Cultura Foundation a haci un alianza cu Cornerstone Economics, un compania di consulting cu ta brinda conocimiento strategico basa de investigacionnan y solucionnan di aprendisaje cu enfasis den impacto social y viabilidad financiero, “den esfuerso di encuesta aki, esaki ta un di e iniciativanan mas importante

na unda Go Cultura Foundation ta un organizacion no gubernamental, apolitico, caritativo cu den pasado a trece dilanti algun iniciativa- nan,” Semeleer a expresa.

Na Aruba esaki ta un topico nobo pero industrianan creativo ta existi for di decanan- an caba manera e celebracion cultural di Carnaval e cual ta un creacion di e industrianan aki, Semeleer a expresa.

Semeleer a señala na e tem-

po ey, cu den un futuro mas cercano nan tin planea di organisa un presentacion cu hopi mas informacion y un di e prome pasonan ta e encuesta pa cuminsa map e industrianan cultural y creativo di Aruba, “si bo ta desea pa cosnan por mehora pa e sector aki, si bo ta desea pa e artistanan di Aruba por ta mas exitoso den loke nan ta haci, mester di cosnan in place como maneho, leyman cu mester adapta, modernisa of introduci, nos tin cu descubri hopi di e retonan cu hopi di artista creativo ta confronta pa wak con por yuda nan mehora esakinan,” el a sigura.

Recientemente, nan a anuncia e conferencia Creactivo, cual nan ta sigura cu ta un plataforma pa tur esnan cu tin un mente creativo y asina por conecta cu artistanan, diseñadornan, escritornan, cineastanan, musiconan y mas. Incolucrando esnan cu ta traha politica, esnan cu ta tuma decisionnan y stakeholders clave pa forma e futuro di e sectornan creativo manera institutonan financiero y gremionan clave tambe ta hunga un rol crucial, pa asina sigura cu e bosnan cu ta forma e sector cultural y creativo por wordo scucha y apoya. Stimulando asina un ecosistema creativo vibrante.

Esaki ta bay ta un evento di dos dia, 8 y 9 di october.

E conferencia Creactivo ta un plataforma unda tur esnan creativo y innovativo por uni

pa comparti nan trabao, amplia nan horizonte y construi conexionnan di hopi balar.

Maske ainda Go Cultura Foundation no a informa tocante speakernan cu ta bay participa den evento aki, nan ta señala cu lo tin oradornan diverso y Inspirador, cu lo skucha di lidernan local y internacional distingui cu lo comparti nan experticio y visionnan pa e futuro di creatividad y innovacion.

Esaki ta bay ta un evento unda profesionalnan estableci y talentonan emergente por uni pa explora oportunidadnan nobo, influencia maneho y desaroyo, obtene apoyo financiero y construi colaboracionnan cu ta transcende e fronteranan tradicional. No ta importa si bo ta un profesional cu hopi experiencia of cu awo bo ta cuminsando den e industria creativo.

Nan ta afirma cu CreActivo ta bay ofrece algo di gran balar: e oportunidad pa forma parti di un comunidad dedica na cultiva creatividad y desaroya un industria di forma sostenibel.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Envez di paga debe... Ta aumenta salario...

Den e edicion aki por tuma nota di un analisis kico realmente e aumento di salario cu gobierno ta duna e empleado publico tin como consecuencia final. No ta trata solamente di un aumento pa e grupo liga directamente na gobernacion, sino tambe di e sector subsidia cu ta encera tanto fundacionnan den sector social, y sector di enseñanza subsidia, cu ta bastante mas grandi cu enseñanza publico. E suma cu nos ta mira aparece pa e proximo añanan ta uno cu ta aumenta gasto di personal den direccion di Afl. 750 miyon. Esaki no ta muestra bon si nos mira e propio proyecionnan cu gobierno a duna den su presupuesto 2025, cu no a yega Staten ainda pero ta disponible den e consejo di CAft. GDP segun gobierno lo crece entre 2024 y 2027, e aña unda mester evalua e sistema nobo di calcula maximo di gasto di personal, cu Afl. 667 miyon (9,1%). Di GDP di cada aña gobierno ta capta pa su mes algo mas di 20%. Esey ta implica cu e aumento cu gobierno por spera den caha, sin medida extra, ta entre 40 y 50 miyon florin anualmente. Pa tur claridad, pa e tempo ey, 2027, ta anticipa un GDP di Afl. 7951 miyon; 10% di esey lo ta tanto alrededor di Afl. 795 miyon pa gasto di personal. Pa logra esey ta necesario un crecimiento anual di GDP di entre 2,7% pa 3,1%, pa gobierno por haya e surplus proyecta di alrededor di 2% cada aña. Ta bay logra esey? Speranza no lo falta pero certeza no t'ey, sigur mirando e situacion internacional di e momento aki. E pregunta grandi ta: kico mas ta bin acerca, ademas di e casi 750 miyon cu gobierno ta fiha caba como gasto di personal, cu ta trece nos cerca o hasta superando e criterio di 10% di GDP?

Pa contesta e pregunta ta necesario comprende cu e imagen di e gastonan di personal ta mas complica ainda. E acuerdo no ta gasto di personal di e ministerionan so, sino di 'gobernacion amplio' manera IMF ta defini esaki. Y den e asunto aki ta surgi tambe un diferencia di opinion entre Hulanda y Aruba, unda e ultimo aki ta na favor di laga cierto categoria un banda, loke lo haci mas facil pa cumpli cu e tarea di no surpasa e limite di 10% di GDP. E diferencianan ta aparece ora compara e lista di asunto cu ta cay den e categoria aki, segun e propuesta di ley di Reino (RAft) y segun e ley local di supervision (LAft) manera aproba na december 2023 y cu ta contene e criterionan actualmente vigente. Por ehemplo, e proyecto di ley di Reino ta propone inclui tur gasto di salario di proyecto cu gobernacion ta encomenda na otro, es decir e gastonan di personal di e inversionnan cu ta bay haci. E ley di Aruba no ta inclui e categoria aki. Por mira

anto kico ta un di e problemanan cu mester resolve ainda pa por yega na un consenso tocante e ley di Reino. Y tempo por bula sin mira resultado concreto.

Con mester mira anto e 'move' cu gobierno di Aruba a haci cu e aumento di salario? Loke a sucede ta cu na un manera inteligente pero oportunista gobierno a probecha di e cambio di un sistema di criterio pa otro, pa pasa e aumento cu ta un tremendo 'asset' pa eleccion otro aña. Henter e aparato publico ta keda silencio, sindicatonan no tin pakico di bin molestia y hasta tin e 'bentaha' cu e confrontacion cu Hulanda por ser usa pa gana voto, haciendo un apelacion riba e votador pa yuda gobierno 'baha Hulanda for di nan lomba'... Nos lo tende atrobe e gritonan conoci di 'colonialismo' y 'sclavitud moderno' mientras cu e politico o partido cu no apoya e posicion di gabinete ta haya e acusacion di ta 'traidor di patria' y otro insulto di e tipo aki. Den e cuadro aki tambe nos por considera e expresion di nos ministro encarga cu finanzas, cu ta papia awor di 'duna back', algo cu e lo a haci caba. Ta berdad cu tabatin cierto medida den e sentido aki, riba tereno di impuesto pa suaviza e golpi di aumento di costo di bida pa esnan di menos recurso. Sin embargo, e mero cifranan di entre otro e creciente brecha entre e minimo di subsistencia (bestaansminimum) y e nivel di salario ta indica cu bida ta birando mas dificil pa e categoria cu tin menos recurso. Tambe nos por observa cu gobierno lo dedica un suma minimo na e 'reparatietoeslag' pa sector priva sin cu tin medida structural pa mehora e situacion di e categorianan mas afecta pa inflacion, genera pa un parti pa e medidanan fiscal tuma den ultimo añanan.

Di otro banda, y esey a bira bon cla den e medidanan tuma pa duna proteccion na esnan cu ta haya salario di gobierno, un bon parti di e aumento di entrada cu comunidad a sufri p'e, no ta bay pa paga nos debenan, sino ta bay pa duna esnan mas privilegia cu seguridad di empleo y ingreso, mas placa ainda, na un porcentahe cu ningun otro categoria di empleado a haya mira. Nos no ta bisa esaki pasobra nos ta contra un pago corecto pa trabao corecto den gobernacion, pero lo tin hopi cos di coregi eynan, cu nos no a mira ainda, pa por hustifica esey. Ademas, ta keda un hecho cu e ta contra acuerdo cu Hulanda, supuestamente cera den nos nomber.

Minister Geoffrey Wever a reuni cu Minister Ruisandro Cijntje

Fast Ferry ta brinda oportunidad economico ambos pa Aruba y Corsou

Pa varios aña ta explora e posibilidad di introduci un Fast Ferry entre islanan di Aruba y Corsou. Na mei 2023, minister Geoffrey Wever conhuntamente cu minister Ruisandro Cijntje a firma un MoU pa colaboracion riba tereno economico entre Aruba y Corsou. Durante e aña, tabata tin diferente ocasion caminda a inicia colaboracion pa logra metanan comun, entre otro riba tereno di Fair Trade y mas.



Recientemente, diferente partido comercial a muestra interes den inicia un conexion di ferry, den un prome instancia entre Aruba y Corsou, y den un siguiente fase cu Boneiro. Debi na e interes renoba, Consejo di Minister di Aruba a acorda na juni

2023 pa instala un Comision di Conexion di Ferry cu su tarea pa duna conseho riba e condicionnan necesario pa un conexion di ferry entre Aruba y Corsou. Basa riba e FOICE-rapport, e comision a constata cu un ferry pa pasahero ta simplifica e condi-

cionnan publico necesario considerablemente compara cu un ferry cu transporta tanto pasahero como carga.

Conseho di Minister di Aruba a aproba e avance di e proyecto aki, y siman pasa diabierna cu Minister Geof-

frey Wever a reuni cu Minister di Asuntonan Economico di Corsou Sr. Ruisandro Cijntje, a acorda cu Aruba y Corsou lo traha hunto pa cuminsa cu e parti di implementacion di esaki.

Recientemente a incorpora

Fast Ferry tambe como un proyecto den e Landspakket, den e cuadro pa avansa comercio den e region di Caribe Hulandes. Cu esaki Hulanda lo brinda asistencia tecnico pa e implementacion. E proyecto aki lo ta e prome proyecto cu lo wordo implementa entre e dos islanan den cuadro di Landspakket. “Esaki ta demostra e esfuerzo continuo di cooperacion economico entre Aruba, Corsou y Hulanda”, segun minister Wever.

“Despues cu a firma un MoU, nos a keda traha duro pa por a yega na e fase aki awo,” Minister Wever a bisa, “Cu e proyecto aki di Fast Ferry Aruba y Corsou kier sigui fortalece e conexion entre e dos islanan y promove mas comercio entre nos islanan ruman”.

Prome Minister Evelyn Wever-Croes:

Secretario di Estado nobo lo continua cu e acuerdo cu Hulanda riba e interes di e debe di Covid

Siman pasa dia 12 di augustus, Prome Minister Evelyn Wever-Croes a reuni cu e Secretario di Estado nobo di Relacionnan di Reino y Digitalisacion, señor Zsolt Szabó. Durante e Conferencia di Prensa di Gobierno di Aruba diahuebs ultimo, Prome Minister a resumi e bishita di señor Szabó.

Den un comunicado di prensa, Prome Minister ta indica cu señor Szabó ta e di tres Secretario di Estado cu e ta encontra den su carera como Prome Minister. Señor Szabó ta haya Aruba den un situacion totalmente diferente cu tempo cu Secretario di Estado señor Knops a drenta na 2017, cu tabata net despues di Gobierno di AVP y Hulanda tabatin masha hopi desconfianza den e gobierno ey. Despues na aña 2022 ora cu Secretario di Estado señora Van Huffelen a drenta, tabata net despues di e pandemia di Covid19 y Aruba tabata pasando den un situacion hopi dificil. Señor Szabó awor ta drenta durante un Aruba den un situacion financiero hopi mas tranquil y hopi mas saludabel y asina por a dialoga tambe desaroyonan den futuro, segun e comunicado.



Durante e reunion Prome Minister a muestra riba e prioridadnan di Gobierno na e momento aki. Un ta finanzas publico, tambe e diversificacion di e economia di Aruba y otro prioridad ta pa traduci e progreso di e pais den prosperidad den cada hogar na Aruba.

Otro tema cu a toca durante e reunion cu señor Szabó tabata ta riba e rijkswet.

Manera ta conoci, prome cu Secretario di Estado Van Huffelen a sali, Aruba a yega na un acuerdo cu Hulanda riba e interes riba e prestamo di Covid. Secretario de Estado Szabó a indica cu e lo continua cu e acuerdo aki unda ta indica cu e interes di Aruba a baha di 6.9% pa 5.1%. E 5.1% ta un “tussenrente”, unda si bin un rijkswet e interes lo baha na 3.4%, pero si no bin cu un rijkswet e lo bay back

na 6.9%. Prome Minister ta indica cu Aruba tin te luna di mei 2025 pa entrega e rijkswet. E negociacionnan a cuminsa caba y esaki ta hiba dos trayecto. Un trayecto ta trata e puntonan cu no tin discusion y ta wordo trata, skirbi y elabora riba nan. E otro trayecto ta e puntonan cu si ta den discusion of cu mester warda ainda pa IMF (International Monetary Fund) duna

conseho riba e normanan nobo pa Aruba. Na luna di september lo haya e conseho di IMF y por finalisa e parti aki.

“E negociacionnan cu Hulanda ta awor riba “ambtelijk niveau”. Kiermen e reunionnan ainda no ta entre gobernantenan, pero si nan ta bayendo den bon ambiente. Hulanda a manda un delegacion Aruba na juli cu a negocia durante un siman largo logrando hopi avance. Asina cu nos haya e consehonan di IMF nos ta yega na e puntonan mas delicado y nos lo mester papia y traha riba nan, y e momento ey nos por duna mas update. Importante ta cu e negociacionnan ta bayendo den bon caminda y den bon ambiente.

“Tin hopi mas area di trabao pa atende cu Secretario di Estado Szabó, pero pa e reunionnan aki durante su prome bishita na Aruba, el a haya un bon impresion di Aruba. A haci palabracionnan di con nos lo bay traha y comunica cu otro pa mantene e bon relacion di trabou entre e dos paisnan cual ta hopi importante”, Prome Minister a expresa.

Sector medico Hulandes ta preocupa tocante dependencia riba Rusia pa material pa tratamiento di cancer



(nltimes)--Dokternan Hulandes y companianan farmaceutico ta preocupacion tocante e dependencia di Europa riba e sector nuclear Ruso pa e proceso di material curu rekeri pa cierto tratamiento di cancer cu medicina radioactivo. Substancianan radioactivo ta keda ser usa den hospitalnan pa investigacion y tratamiento di varios tipo di cancer, y algun ta solamente disponible for di Rusia, NOS ta reporta.

“Cu e substancia Lutetium-177, nos por, por ehempel, crea un medicina pa trata cancer di prostata metastatico,”

segun Wim Oyen, un profesor di medicina nuclear na e Rijnstate Ziekenhuis Arnhem y e vice-presidente di e Nederlandse Vereniging voor Nucleaire Geneeskunde (NVNG), a conta e locutor. Varios centenares di pashent ta haya tratamento pa aña. “E ta extende nan bda pa aproximadamente cuatro luna. Y kisas mas importante, e ta haci e calidad di bida den e lunanan ey hopi mas miho.”

Cientificonan medico ta anticipa cu hopi mas hospital lo usa e medicina aki den e proximo añanan y cu esaki por tambe yuda na un etapa mas trempan di e malesa, “Y despues bo lo us’e pa miles di

pashent.”

E substancia nuclear necesario pa Lutetium-177 ta ser obteni pa enrikece e metal unico Ytterbium, y esey ta sosode casi exclusivamente na Rusia. Dos aña pasa, e compania estatal Ruso di operacion nuclear Rosatom a bisa cu mas cu 95 porciento di e enriquecimiento rekeri pa crea e substancia ta sosode na Rusia.

Mescos ta aplica pa Terbium-161, un otro substancia radioactivo usa den tratamiento di cancer. Aunke actualmente solamente usa riba un scala chikito, cientificonan ta anticipa cu Terbium por traha mas miho cu Lutetium.

“Desde tempo di Stalin, Rusia tin fabricanan unda awo nan por crea e materialnan pa e isotoponan radioactivo,” Harry Buurlage, director Europeo di Shine, un fabricante Mericano di isotoponanmanera ta referi na medicina radioactivo. “Tur e suministro di e West ta bin for di eynan.”

E dependencia riba Rusia ta preocupa e mundo medico. E



substancianan radioactivo pa uso medico, manera uranium pa energia nuclear, no ta cubri pa sancionnan Europeo contra Rusia. Pero algun partido ta preocupa cu sancionnan lo eventualmente ser imponi of cu Rusia lo stop envionan como parti di e wega geopolitico. Otronan lo prefera no haci negoshi cu companianan di Rusia pa motibonan moral.

NOS a encuesta 75 partido di mercado Europeo riba e topico eynan, y tur a acorda cu nan lo kier menos dependencia riba suministradornan pafo di UE. Nan ta considera Rusia particularmente como un suministrador riesgoso.

Shine, e fabricante Mericano di isotopo, ta trahando riba facilidadnan na Veendam pa enrikece e materialnan curu pa Lutetium y Terbium nan mes.

E gobierno Hulandes a provee 30 miyon euro den subsidio y prestamo pa e proyecto aki. E compania Mericano ta plania pa cuminsa construi otro aña. “Ya nos a produci Lutetium-177 den nos fabrica na Merca. Pa fin di 2027 of comienso di 2028, produccion di Litetium mester tambe cuminsa na Veendam,” Buurlage a conta NOS. “Te cu nos sa, esey lo pone un fin na nos dependencia riba Rusia.”

Hulanda ta keda bringa cu deficit den medicamento pa esquisofrenia

(nltimes)--Hulanda ainda ta bringando cu un deficit serio di un medicamento pa hende cu esquisofrenia. P’esey dokternan ta hayando permiso pa importa e medicina Zypadhera for di otro paisnan sin permiso for di e Inspectie Gezondheidszorg en Jeugd (IGJ). E inspectorado ta spera cu e deficit lo ser resolvi pa fin di otro luna.



ta mey augustus, y e deficit ainda t’ey, cual ta pakico e watchdog ta reiterando nan conseho.

Tambe tin un deficit grandi di e medicina etoposide, cual ta ser usa pa frena e crecimiento di tumornan. P’esey ta consehando dokternan pa ahusta e tratamiento cune tambe. Por ehempel, pashentnan di cancer cu ainda por ser sana ta haya prioridad riba pashent cu no tin hopi tempo pa biba. Dokternan no por importa e medicina pasobra otro paisnan ta bringando cu e mesun deficit tambe. E regulador Europeo EMA ta mirando pa depositonan.

E College ter Beoordeling van Geneesmiddelen (CBG), e cuerpo monitorio di e gobierno, ta adverti di deficitnan na januari. Dokternan a haya conseho pa no cuminsa tratamentonan nobo cu e medicina Zypadhera. Prome nan mester mira si tin algun alternativa. Ademas, algun pashent por ricibi un dosis mas chikito. E conseho tabata valido te cu comienso februari, pero awo



TRABOU DI MANTENCION NA SAN NICOLAS Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diamars, 27 di augustus 2024
8:30 AM te cu 3:30 PM**

Den vecindario di:

- Cayenastraat (un parti)
- Flamboyenstraat
- Isaac Wagemakerstraat (un parti)
- Marnixstraat
- Otaheitistraat (un parti)
- P C Hoofdstraat
- Pastoorhendrikstraat (un parti)
- Tulpenstraat
- Weg Seroe Preto (un parti)
- Community Pool San Nicolas

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



Ora ta momento pa Silvania renuncia; MFK y PNP lo cubri p'e?

(CuraçaoChronicle) - E accionnan di Minister di MFK Javier Silvania pa pordona debenan di impuesto ta hopi mas serio compara cu e acusacionnan contra ex minister di MFK Dorothy Pieters-Janga.

Janga a purba duna instruccion na e comision responsabel pa likida BZV pa no colecta debenan cu corte ordena. Sinembargo, e no a logra haci esaki y su accionnan a resulta den su renuncia como minister. Ningun persona a insisti pa Ministerio Publico persigui su caso, aparentemente a causa di simpatia. Ta comprende cu e idea pa no colecta e debe no a origina for di su persona pero el a traha e carta y firma esaki.

Den caso di Silvania, aparentemente personalmente el a duna instruccion na su colaborador, Wim Nijdam, pa stop di colecta debenan for di 2017 y mas trempan. Esaki no tabata un intento sino un



instruccion cu a ser ehecuta exactamente manera Silvania a dirigi. Silvania publicamente a anuncia cu impuesto di e tempo aki no lo keda colecta mas, efectivamente convirtiendo e accion den un pordon. E situacion a empeora pa medio di encurasha tur hende pa pidi nan balans di e debe y mira pa nan mes cu nan no ta debe impuesto mas for di 2017 y mas trempan. Pues, no solamente el a duna instruccion pa e pordon sino tambe a provee confirmacion formal. Esaki a causa un situacion

unda e colector di debe no por colecta esaki mas y e Ministerio Publico tampoco por procesa e individuonan pa ofensanan relaciona cu impuesto for di prome cu 2017, pa motibo cu e debenan a practicamente desaparece repentinamente.

Den casonan unda e colector di debe a purba recupera debe via corte, e huesnan den ambos e huicio y apelacion a declara cu basa riba Silvania su accion y anuncio publico, e debenan no por ser colecta mas.

Compara cu Janga, Silvania a comete un acto completamente ilegal y a anuncia esaki, cual ta haci su persona un sospechoso. E informacion publico aki mester ta suficiente pa un investigacion serio di OM tuma luga y tuma accion apropiada.

Silvania a bay mas leu ainda, regresando escena di e crimen pa medio di propone un ley na Parlamento pa cubri su accion castigabel. Esaki ta demostra, un biaha mas, cu su accionnan tabata intencional y premedita. E intento aki a keda intercepta pa SER, cual a emiti un recomendacion debastador y a señala cu Silvania su accion ta contra di ley.

Su conducta durante e reunion di comite central den parlamento tampoco a yuda su caso. Durante e reunion, el a expande riba topiconan cu no ta relaciona den un intento di kita atencion for di e acto ilegal cu el a comete. Den e mesun reunion aki, un

biaha mas el a compromete su mes pa medio di trece dilanti e ehempel di e compania di bus ABC Busbedrijf. El a menciona cu e compa awo mester paga un cierto cantidad pa luna, y den e caso aki, e areglo duna na ABC Busbedrijf mester aplica na tur hende of tur compania, mirando cu impuesto no ta haci distincion.

E partido MFK a tin un reunion y Janga mester a renuncia despues di su intento cu a fracasa. Awo, den e caso di Silvania unda rumor ta sugeri cu su pordon di impuesto tabatin e meta di yuda su amigonan, tur e ministernan di MFK tabata presente durante e reunion cu parlamento pa sosten'e? Nan a participa den un reunion tecnico cu e partner den coalicion PNP pa cubri e caso y aparentemente a acusa representantenan di e pueblo di expone loke berdaderamente a sosode.

Partido MFK ta desmenti 'declaracionnan incorrecto' haci pa partner den coalicion Sheldry Osepa

(CuraçaoChronicle) - E liderazgo di Movimentu Futuro Kòrsou (MFK) a publica un comunicado di prensa atendiendo e declaracionnan haci pa Sheldry Osepa, un parlamentario di e partido den coalicion PNP, den media.

E declaracionnan a papia tocante un protocol cu mester a keda firma entre MFK y PNP ademas di un reunion preparatorio prome cu e sesion di comite central. Osepa tambe a acusa cu MFK no ta confiabel como partner di coalicion.

Den su respuesta, MFK su liderazgo a clarifica e puntonan aki, acusando cu Osepa ta mal informando e publico.

Protocol
Durante un reunion entre e liderazgo di MFK y PNP, un di e topiconan clave cu a trata ta e conducta di e parlamentarionan Osepa y Mercelina. Tabata Faroe Metry, un miembro di liderazgo di PNP, ken a propone e idea di firma e protocol cu Osepa a referencia den su declaracionnan. Segun e declaracion, Metry a presenta un protocol cu a ser firma durante un administra-



cion anterior. E liderazgo di MFK a splica cu nan a pidi un copia di e protocol for di Metry y a informa e liderazgo di e partido pa nan remarcnan y feedback. Despues di e proceso aki, ambos liderazgo di MFK y PNP a keda di acuerdo riba un version final di e protocol.

E acusacion di Osepa cu MFK tabata kier pa e firma e protocol pa silencia su persona den parlamento ta completamente falso. E tabata su

propio partido, cu a presenta e protocol como un posibel solucion pa maneha e comportamiento di Mercelina y Osepa den parlamento.

Reunion preparatorio
Despues di e reunion di Consejo di Minister dia 14 di augustus, ministernan di e Gabinete Pisas II a keda pa trata otro problemanan. Durante e tempo aki, e Prome Minister a informa e grupo cu Minister Javier Silvania a tin un reunion preparatorio

cu MFK den anticipacion di e sesion parlamentario dia 19 di augustus. E Prome Minister a puntra e lider politico di PNP si su fraccion tambe tin cu ricibi e mesun informacion.

Segun MFK, Larmonie-Cecilia, e lider politico di PNP, a pidi tempo pa consulta esai cu su fraccion. E proximo dia, 15 di augustus, Larmonie-Cecilia a informa Minister van Heydoorn cu e fraccion ta di acuerdo a ricibi e infor-

macion. Cu su aprobacion, e reunion a keda organisa entre Minister Silvania y e fraccion PNP. Sinembargo, Osepa y Mercelina a nenga presenta, apesar di e hecho cu nan lider politico a duna e luz berde pa e reunion.

Den bista di Osepa su acusacion cu MFK ta tras di e dos proposicion, liderazgo di MFK a nota cu tin dos "cannon los" den parlamento. Nan a sugeri cu liderazgo di PNP no por controla Osepa y Mercelina of cu tin un kiebri di comunicacion den e partido.

Finalmente, MFK a atende Osepa y Mercelina su acusacion cu MFK no ta un partner confiabel. Liderazgo di MFK a enfatisa cu si e dos parlamentario berdaderamente ta kere esaki, nan no tin cu expresa esaki den prensa. Na luga di esey, nan tin herment na nan disposicion pa tuma accion basa riba nan preocupacion si nan no ta desea di ta den un partnership cu un partido den cual nan no tin confiansa.

MFK a declara cu nan ta keda habri na cualkier decision cu Osepa y Mercelina tuma.

Corte ta declara cu Amsterdam su boetnan pa huur di cas di vakantie ta “desproporciona”

(NLTimes) - Amsterdam tin tempo cu un metodo demasiado estricto pa determina con y ki ora ta duna boet na personanan cu viola e capital su regulacion pa limita e huur na turistanan of persona den vakantie pa estadianan cortico segun e Raad van State a declara diaranson.

E pais su corte administrativo mas na nivel mas halto a declara cu e tabla usa pa calcula e boet pa violacionnan aki no tin peso legal mas, mirando cu e metodo aki “no ta proporcional.”

Corte a critica e ciudad pa falta di uso di un metodo mas considera pa medio di tene na cuenta factornan manera e grado na cual e violacion tabata comercial, e extento di e violacion specifico y si e per-



sona den violacion di e regla a kibra e ciudad su regulacion den varios caso. “Tur esaki ta sumamente importante pa motibo cu e nivel general di boet na Amsterdam ta halto. E resultado di esaki ta cu ciudadanonan cu hopi biaha inconscientemente, accidentalmente of solamente un biaha viola un regla semper ta confronta inmediatamente cu un boet halto, cual por causa

problema financiero serio, mientras e seriedad y extento di e violacion no semper ta hustifica e boet.”

Raad van State a declara riba un caso entrega pa un muhe cu a ricibi un boet di 11,600 euro pa huur su cas na un turista mas di loke e reglanan ta permiti y sin haya ningun keho. E ta registra y tin permiso pa huur e cas como un

cas di vakantie riba Airbnb. E cas ta midi 153 meter cuadra y tin 3 piso. Un condicion di su permiso ta cu e por huur e cas na un maximo di 4 turista.

Sinembargo a keda cla cu el a huur e cas na un famia di 2 adulto y 3 mucha pa 4 anochi na 2020. Un promocion pa e apartamento a ser haya riba Airbnb unda ta ofrece e apartamento na grupo di te hasta 6 persona. Corte di Amsterdam ya caba a declara cu e boet ta hustifica “pero demasiado halto mirando e seriedad limita di e violacion” y a baha esaki na 8,700 euro.

E muhe a sigui dessatisfecho y a hiba e caso den man di Raad van State, cual a keda di acuerdo cu e boet ta desproporciona compara cu e violacion y a duna ordo na Amsterdam pa bolbe traha riba

su sistema. Raad van State su division di ley administrativo a reduci e muhe su boet na 2,900 euro, cual ta “apropia y necesario,” un declaracion di e corte a nota. E corte a bisa cu e municipalidad ta hustifica den duna un boet mirando cu e “muhe tabata den violacion di e condicionnan stipula.”

E caso aki a sosode tempo cu Amsterdam su alcalde y consejal a duna e boet den juni di 2021, pa e uso di e apartamento como un cas di huur riba Airbnb den augustus y september di 2020. Pa fin di 2022, e ciudad a reduci e boet di prome ofensa for di 11,600 te 3,000 euro sinembargo esaki a aplica retroactivamente for di october di e mesun aña.

Ex-Prome Minister Silveria Jacobs su partido ta gana eleccion na Sint Maarten

(NLTimes) - E resultado preliminar di e eleccion na Sint Maarten riba dialuna a mostra cu 7 diferente partido a ser scogi pa forma e parlamento nobo cu 15 miembro. Esaki a resulta den un parlamento diverso. 3 partido a gana 3 asiento cada un, cu NA di ex prome minister Silveria Jacobs ricibiendo e cantidad mas halto di voto (2,264).

Su partido a keda sigui pa URSM di actual prome minister Luc Mercelina cu 2,230 voto y DP di veterano Sarah Wescot-Willims cu 2,069 voto.

Ex docente Jacobs tabata prome minister pa dos gobierno entre 2019 y 2024 y ta responsabel pa un panorama relativamente calma politicamente riba e isla. Tur cos aparentemente ta na caminda pa e forma un gobierno un biaha mas.

Na ta un di e partidonan mas grandi den e pais y a hunga un rol importante den varios gobierno e ultimo 20 aña. E ta un partido centrista, di mesun manera cu e partido DP funda den 1954. DP tambe tabatin hopi responsabilidad gubernamental den e ultimo decadanan. URSM ta popu-

lar mas tanto a causa di su lider, Mercelina, ken a bisa cu e kier haci e isla mas resiliente.

E unico partido nobo cu a logra un asiento ta SAM di ex parlamentario Franklin Meyers. Oliver Arrindell su partido OMC no a logra segura suficiente voto pa un asiento. Arrindell tabata den noticia luna pasa pa motibo cu a los tiro contra su auto y e fayecimiento di su casa a causa di e atake aki.

Sint Maarten a pidi sosten di polis di otro paisnan den e parti Caribeense di Reino Hulandes pa patruya e cayanan den preparacion pa e elec-



cion. Esaki a resulta den un cantidad relativamente halto di oficialnan riba caya sinembargo no a reporta incidente significativo.

En total, 60% di e votadornan

eligibel a vota y 13,964 voto valido a ser conta. El a tuma te cu 4or di mainta diamars pa conta tur voto y anuncia e resultado provisional.

Gobierno di Corsou ta cay: MFK no ta dispuesto pa sigui traha cu Mercelina y Osepa

(Extra) - E coalicion den mando na Corsou di MFK cu PNP a cay. E decision pa e partidonan separa a ser tuma ayera mainta.

Fuentenan cercano a confirma e informacion na Extra. Mas detaye a indica cu ya caba partido di MFK tabatin contacto cu partido KEM y miembro independiente di parlamento Zita Jesus-Leito pa pega e coalicionnan y hunto forma un mayoria nobo den parlamento cu lo consisti

di 11.

E lider politico di PNP Ruthmilda Larmonie-Cecilia a haya un carta di partido MFK ayera mainta unda a informa cu MFK no lo sigui traha den e coalicion cu PNP incluyendo e parlamentarionan Sheldry Osepa y Gwendell Mercelina. Esaki ta e motibo dicon Larmonie-Cecilia a yega na e conclusion cu PNP lo no por sigui traha den gobierno.

E carta a bini for di MFK den parlamento a indica cu nan tampoco ta dispuesto pa sigui traha den e coalicion cu e parlamentarionan Sheldry Osepa y Gwendell Mercelina cu ta parti di e fraccion PNP. E carta a keda duna na lider politico di e partido MFK, Gilmar Pisas, ken tambe ta e Prome Minister y cu na su turno a entrega e carta na Larmonie-Cecilia.

No por a yega na Larmonie-Cecilia pa comentario, ken a

sali for di reunion cu e Consejo di Minister ayera.

E caida di e gobierno ta bini for di un reunion cu comision central den parlamento cu tabatin problema y a tuma luga dialuna ultimo, unda a trata e decision di Minister di Finanzas Javier Silvania (MFK) di pordona debe di impuesto cu ta yega cantidadnan sumamente halto den total. Parlamentarionan di PNP, Osepa y Mercelina a expresa critica den nan pregunta entrega na

e minister durante e reunion cu a tuma luga.

E preguntanan aki entre otro, tabata pa haya claridad riba e base legal usa den e decision di e minister y tambe e veredicto di corte di apelacion ken a declara cu e minister, ken pa medio di un publicacion riba red social, a exonera tur debe di impuesto di ana 201 y prome, no a tene cuenta ningun criterio den e decision.

Hondureñonan ta bay sigui emigra pa falta di trabao digno

(EFE) - Hondureñonan ta bay sigui emigra, principalmente na Merca y Spaña, mientras cu na su pais no tin suficiente trabou cu por ta "decente" pa satisface nan necesidadnan, segun director di Instituto Nacional di Estadística (INE) Eugenio Sosa a bisa.

"Mientras lo no resolve esaki, cu suficiente y decente trabou, hendenan ta bay sigui emigra," Sosa a sigura y ademá ta considera cu "migración ta genera desahustenan den varios aspecto di e pais, na nivel profesional, di economía y di comunidadnan."

A agrega cu efecto di migración na principio ta positivo, debi na remesa miyonario di dólar cu ta genera, pero no ta bay compensa esey na largo plazo.

Na 2023 e remesa familiar a suma casi 10,000 miyon dolar.

"E hendenan cu ta bay ta esun cu ta considera cu tin un mal trabou, mal ingreso y ta bay na paisnan manera Merca y awor Spaña, cu e opción di triplica nan ingreso," e titular



di INE a sigura.

Como un ehemplo, el indica cu loke hopi Hondureño ta gana den un dia na su pais, na Merca of Spaña nan por gan'e den un ora, cu diferente tipo di trabou, cu ta cualifica of hopi cualifica.

Hopi Hondureño, incluso profesionalnan universitario, tambe ta bay pa via di vio-

lencia criminal cu su pais ta bibando for di varios decada atras, e cual ta registra por lo menos un dozijn di morto pa dia, sin cu forsan di seguridad ta haci lo suficiente pa stop'e.

Den Sosa su opinion, "reduci migración ta nifica un transformacion economico y social hopi profundo. Ta un cuestion cu no ta bay stop'e

di otro manera."

Tocante nivel di desempleo, el a bisa cu den un ultimo midí e tasa tabata na 6.4% despues na 10% registra debi na pandemia di Covid.

Na 2021, desempleo tabata casi na 9% y na e momentonan aki, segun registro di INE, na e pais tin casi 250,000 persona sin trabou, cifranan cu

e cual algun sector no ta di acuerdo.

Pero "e problema di mas grandi" segun director di INE a expresa, ta trabou precario" cu na otro momento tabata yama subempleo, cu ta dos tipo di situacion, of empleo insuficiente, ta personanan cu ta haya contract pa oranan of dianan. No na tempo completo, unda cu ta haya mal salario, ni sikiera salario minimo di entre 500 pa 600 dolar."

"Den categoria aki di trabou precario of sub-ocupacion, nos tin dos miyon hende, di un forsa di trabou cu ta entre 3.9 y 4 miyon persona" Sosa a enfatisa.

A agrega cu mas di 50% di Hondureño ta den e situacion ey.

Mas di 60% di poblacion di Honduras ta afecta pa pobreza, el a bisa cu e proyeccion cu tin di 2013, tabata di 9.7 miyon habitante, pero cu Registro Nacional di Persona (RNP) por yega na 9.2 miyon, tumando na cuenta e tema di migracion.

Huma di candela na Amazonia ta yega na 10 estado di Brazil

(Agencia Brasil) - Debi na intensificacion di temporada di candela na Amazonia y na Pantanal, un consecuencia di cambio climatico, ciudadnan di dies estado Brasileiro a registra episodionan di huma y un reduccion di calidad di aire.

Potretnan haya pa Centro di Prevision Meteorologico y Studio Climatico ta muestra e concentracion di carbon monoxide den un area cu ta extende for di nort di Brazil pasando pa Peru, Bolivia y Paraguay. Siman pasa, Fondo di Nacionnan Uni pa Infancia

(UNICEF) a bati alarma riba precaucion sanitario necesario den e caso aki.

Basa den datonan di Instituto Nacional di Investigacionnan Spacial (INPE), Ministerio di Medio Ambiente y Cambio Climatico a emiti un

comunicado afirmando cu, e bioma Amazonico, estadonan di Amazonas y Para hunto ta suma mas di e mita (51.6%) di candela registra for di 1 januari y 18 augustus 2024. For di 1 di juli, 67.2% di candela registra a tuma luga den dos teritorio aki.

Segun Laboratorio di Aplicacion di Satelite Ambiental di Universidad Federal di Rio de Janeiro (Lasa-UFRJ), e aña aki e candela a consumi 3.2 miyon di hectar di Amazonia, loke ta representa 0.77% di bioma. Na Pantanal, casi 1.9 miyon hectar a ser consumi pa e candela, afectando 12.5% di e superficie di bioma.

Un alerta di peligro extremo di candela di Sistema di Alarma Lasa-UFRJ a ser emiti cu prevision pa e Cuenca di Paraguay, na Pantanal. Pa awe, 22 di augustus, segun e rapport, tur e region ta bay enfrente condicionnan meteorologico cu ta dificulta e lucha contra e candelanan, incluyendo medionan aereo, debi na e velocidad halto cu e candela ta expande.

Un sala di situacion crea pa

gobierno ta concentra for di juni ultimo e respuesta federal pa e candelanan na e pais. Nan a aloca 405 miyon real di Fondo Amazonia pa apoya cuerpo di bomberonan na Amazonia Legal. Na Pantanal, a dispone di un credito extraordinario di 137.6 miyon real, ademá e transferencia di otro 13.4 miyon real pa Ministerio di Integracion y Desaroyo Regional pa asistencia humanitario y lucha contra candelanan forestal.

Mientras tanto, na capital di estado di Rondonia, cerca frontera cu Bolivia, Porto Velho di 460,000 habitante, diamars ultimo a registra e pio calidad di aire di tur e ciudadnan grandi Brasileiro, segun organismonan di monitoreo independiente IQAir.

Candela forestal a bira e shelo di Porto Velho di color shinishi scur y e ciudad ta muestra cu hopi neblina.

Te ayera tabata resulta dificil di por mira for di leu edificionan cu den condicionnan normal ta visibel perfectamente, segun un fuente a sigura.



Flinan di Brazil ta poniendo bida den peliger y causando un empuhe pa prohibicion nacional

(AP) - Riba un mainta den juli den un barrio marca pa pobresa, dos homber tabata usando waya di fli cu puntanan skerpi conoci como 'cerol' den Portugues, pa corta e linea di nan oponente y baha nan fli for di shelo.

Pelea di fli a causa heridanan horibel y te hasta mortonan y un proposicion actualmente den Brazil su Congreso ta busca prohibi e fabricacion, benta y uso di e wayanan aki den henter e nacion, cu violadonan enfrentando te hasta 3 aña den prizon y un boet pisa.

E wayanan aki ya caba ta prohibi na cierto area di Brazil, incluyendo Rio, pero esaki no tabata un problema pa e dos hombernan aki cu tabata bulando nan fli na Ipanema; de hecho, algun di esnan cu ta kibrando e ley ta oficialnan di polis. Algun di nan, ta yama nan fli nan terapia.

"Esaki ta e logica tras bula-mento di fli; corta otro persona su waya," Alexander Mattoso da Silva, un oficial di ehercito a comenta. E ta yama su mes "Jarro" y den aña 2014 el a biaha pa Francia pa participa den un festival di fli internacional, unda el a gana e competencia di pelea di fli.

"Semper nos ta purba bula e fli den areanan adecua pa asina no pone ningun hende den riesgo. No tin riesgo aki, pa motibo cu e flinan ta cay den mondi," Jarro a bisa, señalando e montana yen di mata. Sinembargo, tin rutanan di peaton abao.




E flinan tin un historia largo na Brazil y ta particularmente popular den Favela di Rio, e barionan cu menos recurso cu hopi biaha ta den e montañanan cu tin bista pa y ta rondona e ciudad, unda tin un industria di usa bamboo pa produci fli.

Pa varios, fli ta representan nan hubentud y e diversion

sano. Pa otro, fli ta simplemente pa sinti e biento su forsa. Sinembargo, pega na waya diseña pa corta, e flinan por ta fatal particularmente ora cu nan ta bula den carretera unda motoristanan cu ta coriendo no por miran na tempo.

Mientras cu e competencianan di pelea di fli ta ser organisa den areanan safe y



designa den paisnan manera Francia y Chile, den Brazil, su uso amplio y sin regulacion a causa varios accidente durante añanan.

Pa purba combati e peliger, e motociclistanan ta pega antenanan cu blade pa corta dilanti nan brommer pa corta flinan cu bin den nan direccion. E compania cu ta administra un di Rio su careteranan principal ta regularmente duna esaki na motociclistanan.

Sinembargo casonan di motociclista kendenan un brasa, pia of te hasta garganta a ser corta ta sigui comun, lagando varios estado Brasileiro cu e opcion di aproba leyman cu ta regula e uso di e wayanan aki, segun agencia di consulta politico Governmental Radar. E proposicion federal pa prohibi e wayanan aki den henter e nacion a keda aproba pa parti menor di Congreso den februari y awo ta na caminda pa Senado vota.

Den juni, Ana Carolina Silva da Silveira tabata patras di un brommer ora cu un di e wayanan aki a corta su nek. "Mi a yega hospital gritando cu mi no kier muri," e abogado di 28 ana a bisa. "Mi ta hopi contento cu mi a sobrevivi."

No tin data oficial tocante e cantidad di heridanan of mortonan den e nacion causa pa e wayanan aki. Sinembargo, desde 2019, tin mas di 2,800 rapport di uso ilegal di e wayanan aki den Rio so, segun e instituto MovRio, un fundacion cu ta opera un hotline.

Bulamento di fli ta reconoci como un herencia cultural y historico pa legislacion aproba pa Rio su asamblea municipal den 2021. Algun ta

bisa cu fli a ser hiba Brazil pa e pais su colonisadornan Portugues. Sinembargo, otro, ta nota cu nan tabata usa na Africa y cu e comunidad Palmares di catibonan cu a huy a usa nan pa combati peliger.

E actividad tabata asina popular cu muchanan tabata yama vakantie di scol "e tempo di fli," Luiz Antonio Simas, historidador cu ta specialisa den Rio su cultura popular, a conta un bar ora di duna un les tocante historia di fli.

Pa decadanan largo, muchanan a yena nan mea cu pidanan di glas y tabata pone riba carretera di trein pa esaki keda kibra den pida asina chikito cu e ta bira un puero, cual nan tabata mescla cu leim pa pone riba nan waya di fli, hopi biaha heridando nan dedenan. Metodonan artesanal a habri porta pa cantidadnan di waya grandi cu ta crea pa ta hopi mas eficiente pa corta.

Leynan di estado tocante e wayanan aki ta diferente den Brazil. Rio ta limita e uso legal na algun area cu ta leu for di casnan, cayanan y careteranan mientras otro estadonan tin un "supuesto prohibicion riba fli."

Aunke hopi ta bisa cu autoridadnan ta cera wowo.

Den 2020, Leonardo Du- raes tabata riba su brommer ora cu un di e wayanan aki a corta su cara; e mester a ricibi 33 punto y tin un cicatriz cu ta visibel te dia di awe. E ta sostene e campeonatonan di fli siempre y cuando nan ser organisa den areanan adecua.

"Na momento cu algo cum- insa causa daño, incluyendo victimanan cu ta fayece a causa di esaki, eora e wega tin cu caba," el a expresa.



Jennifer Lopez ta pidi divorcio di Ben Affleck despues di 2 aña di matrimonio

(AP) - Despues di un relacion cu a dura mas di 2 decada, dos compromiso y 2 matrimonio, Jennifer Lopez a pidi divorcio for di Ben Affleck.

E peticion diamars na Los Angeles a trece un fin aparente na e pareha famoso, of por lo menos e di dos edicion, cu a capta e atencion di e cultura pop y a cubri tur portada di revista den su tempo. E pareha a keda conoci, prome cu e moda di duna parehanan famoso un number, como "Bennifer."

Recordnan di corte ta muestra cu Lopez a entrega e peticion diamars na Los Angeles Superior Court. E noticia a keda reporta prome pa TMZ. TMZ a sigui informa cu Lopez a nombra e fecha di separacion como april 26 di 2024, pero no a menciona ningun acuerdo prome cu e matrimonio.



Despues a conoce otro, enamora y compromete den comienso di ananan 2000, y actua hunto den "Gigli" y

"Jersey Girl", e pareha a separa, parcialmente a causa di e wowo publico y e presion di esaki.

Sinembargo na deleite di algun y critica di otronan, e pareha a reuni dos decada despues y a casa dos bi-

aha den ana 2022. "Amor ta bunita. Amor ta bondadoso. Y aparentemente, amor tin pasenshi. E tin un pasenshi di 20 aña," Lopez a skirbi anunciando nan prome boda na Las Vegas, firmando e publicacion como Jennifer Lynn Affleck.

E pareha a biaha pa Las Vegas unda nan a casa na White Wedding Chapel, yamando esaki e anochi mas feliz di e pareha su bida.

Ambos di nan tabata casa anteriormente, Affleck di 52 aña cu Jennifer Garner, cu ken e tin 3 yiu y a divorcia den 2018.

Lopez, di 55 aña, a casa 3 biaha prome. E tabata brevemente casa cu Ojani Noa for di 1997 pa 1998 y na Cris



Judd for di 2001 pa 2003. Despues el a casa cu cantante Marc Anthony pa un decada, casando den 2004 y tin twin di 14 aña. El a cuminsa un relacion cu Aex Rodriguez sinembargo e pareha a caba nan compromiso na 2021.

Rey Charles III ta reuni cu sobrevivientenan di atake cu a causa inkietud na Reino Uni

(AP) - Rey Charles III a reuni diamars cu sobrevivientenan di e atake di stacamento cu causa fayecimento di 3 mucha muhe na Inglatera, mirando beer y flornan cu a ser poni den recordatorio na e victimanan y firmando un buki di condolencia mientras e pais ta recupera di e inkietud cu mal informacion tocante e tragedia a causa.

E monarca a biaha na e pueblo di Southport, pa un reunion priva unda el a tende e experiencia di algun di e muchanan kendenan a ser ataca na un les di baile cu tematica di Taylor Swift dia 29 di juli. Despues di e re-

union, e Rey a firma e buki di condolencia.

E rey su bishita a bini mientras e ciudadanonan di e pais ta evalua e implicacion cu e siman di inkietud anti inmigrante despues di e atake, ora cu activistanan derechista a usa rednan social pa plama declaracionnan falso cu un inmigrante Musulman ta tras di e atake.

Sinembargo na Southport, e comunidad a enfoca riba e mucha muhenan hoben cu a perde nan bida; Bebe King, di 6 aña, Elsie Dot Stancombe di 7 y Alice Dasilva Aguiar di 9 aña.



Yiu di Angelina Jolie y Brad Pitt oficialmente ta kita Pitt for di su number



(AP) - Un di Angelina Jolie y Brad Pitt su 6 yiunan a oficialmente kita "Pitt" for di su number.

Corte na Los Angeles a aproba e peticion di tercer yiu mas grandi di e ex pareha pa legalmente cambia su number for di Shiloh Nouvel Jolie-Pitt na Shiloh Nouvel Jolie riba dialuna.

Inicialmente el a entrega e peticion pa haci e cambio di number oficial dia 27 di mei, ora cu el a cumpli su 18 aña.

Varios outlet a reporta cu otro yiunan di e ex pareha a informalmente cuminsa exclui Pitt for di nan number sinembargo Shiloh ta e prome cu a tuma pasonan legal pa formalisa e cambio

di number. Notablemente, nan yiu muhe Vivienne a ser nombra riba e programa di "The Outsiders" riba Broadway como Vivienne Jolie.

Conhuntamente cu Shiloh y Vivienne, e ex pareha tambe tin 4 otro yiu, Maddox, Pax, Zahara y Knox.

E actris di "Maleficent", ken a genera su fama den añanan 90, tambe a haci peticion di cambia su number na aña 2002 pa legalmente kita e fam di su tata Jon Voight despues cu nan relacion aparentemente a deteriora.

Pitt y Jolie tabata pareha pa un decada ora cu nan a casa den 2014. Jolie a pidi divorcio den aña 2016 y un hues a declara

nan soltero na ana 2019 sinembargo e caso di divorcio te ainda no a keda finalisa cu problemanan financiero y di custodia te ainda den disputa.

E actornan tambe a entrega demanda contra otro den ananan recien cu a surgi a causa di desacuerdo tocante nan negoshinan comparti y propiedadnan incluyendo un na Francia.

Den documentonan di corte na 2022, Jolie a acusa cu den 2016 Pitt a gara su cabes y sacudi'e, despues a choka un di a yiunan y a dal otro ora cu nan a purba defende Jolie.

Representantenan di Shiloh no a contesta peticionnan pa comentario.

Brandon Sklenar ta critica rumornan andando tocante Blake Lively

(TMZ) - Co-actor di Blake Lively su "It Ends With Us" Brandon Sklenar ta saliendo na su defensa, criticando e rumornan cu ta andando tocante e actris y ta purbando di ilustra su persona di un forma negativo.

Brandon a atende e drama diamars directamente, haciendo yamado pa un 'alto al fuego' di e rumornan "vil" contra Blake, autor di "It Ends With Us" Colleen Hoover y otro hende muhe den e elenco.

Manera Brandon a splica, odia e muhenan cu a participa den e creacion di "It



Ends With Us" ta contra e proposito di e pelicula, cual tin e personahe di Blake, Lily Bloom, ken ta nabega un relacion abusivo.

Riba su publicacion riba In-

stagram, el a sigui bisa "e ta lamentabel pa mira e cantidad di negatividad cu ta proyecta online."

Blake ta pega den un gran cantidad di controversia recientemente, particularmente

cu rumornan circulando tocante problema entre su persona y e director/co-actor Justin Baldoni a ricibi atencion publico.

Brandon notablemente a evita atende e rumornan directamente den su declaracion, bisando solamente cu "loke a of no a pasa tras di escena no ta y mi ta spera no mester kita di cua nos intencionnan ta ora di traha e pelicula aki."

Blake a haya atencion y critica alrededor di e pelicula su tema tocante violencia domestico durante su tour di prensa pa promove e pelicula, na luga di encurasha e audiencia pa bisti nechi y bay mira

e pelicula como si esaki ta un comedia romantico.

Sklenar a garantisar e fanaticonan cu tur hende involucra den e pelicula a compronde e gravedad di e storia cu nan tabata conta, defendiendo e pelicula como defensa y validacion di cierto experianan, mientras ta inspira cambio y curashi skirbiendo, "na final di dia, e meta di e pelicula aki ta di plama amor y consciencia."

Justin a contrata un experto den crisis y segun fuentenan di TMZ a conta siman pasa, Blake no tin intencion ni plan di papia tocante e drama, prefiriendo pone tur esaki atras.

Locutor Hulandes no lo pusha pa cargo di difamacion contra Eurovision tocante e incidente di participante Joost Klein

(nltimes)--Locutor Hulandes AVROTROS no lo pusha pa cargonan di difamacion contra Eurovision tocante e supuesto descualificacion inhumano di Joost Klein durante e evento di Eurovision Song Contest mas recien. E vocero pa e locutor a bisa esaki ora e puntr'e den respuesta na un carta habri for di abogado Gerard Spong den De Volkskrant.

Spong a skirbi cu esaki ta "sin duda un acusacion di difamatorio" cu organisador di e festival di canto EBU, aunke e ministerio publico Sueco a

bisa cu tin un falta of no tin suficiente evidencia, ta mantene cu Joost Klein "a comete un acto cu ta hustifica un descualificacion." Segun e, AVROTROS por, pa motibo ey, entrega un keho di difamacion.

"Nos no por cambia kico ya a pasa. Nos no ta purbando di bira mas rico of miho di esaki," segun AVROTROS, ken lo tin discusionnan cu EBU pronto. E descualificacion di Klein lo ta e topico principal di e discusionnan, y e locutor kier discuti tur e asunto priva. "Nos no kier solamente pa cosnan ser organisa miho

pa Hulanda pero pa tur pas. Nos kier yega na un acuerdo riba esey."

E fiscal Sueco a anuncia si man pasa cu e caso criminal contra Klein a ser descarta debi na falta di evidencia. E artista a ser prohibi pa participa den e finalnan di e evento di Eurovision despues di un incidente cu un camarografo femenino.

Ainda no ta caro kico a sosode. EBU y AVROTROS no ta di acuerdo cu otro si a yega na acuerdonan cu a haci cu no por a filma Klein patras di escenario prome y despues di su presentacionnan.



Ruman di Richard Simmon ta bisa cu causa di morto ta relaciona na caidanan y malesa di curason

(TMZ)—E caida di fitness guru Richard Simmons na su cas a contribui na su morto...algo cu e mortuario supuestamente a comparti cu e rumen di Simmons.

Lenny Simmons a bisa cu el a haya yamada di e L.A. County Medical Examiner's Office, y nan a cont'e, "E morto di Richard tabata accidental debi na complicacionnan for di caidanan y malesa di curason como un factor contribuyente"...segun e vocero di e famia Simmons a conta.

TMZ a confirma e informacion—cual ta cuadra cu e storia cu TMZ a publica luna pasa tocante e ultimo dianan di Richard. Manera a reporta, el a cay den su baño e anochi

di su di 76 cumpleaños, y ora su ama di cas a bin yud'e lanta...el a nenga cuida medico.

Despues di e autopsia na juli. E oficina a pospone un descubrimiento oficial riba e morto di Richard, pendiente riba resultadonan toxicologico. E Examinador Medico no a publica su rapport ainda, pero obviamente, a duna e rumen di Richard un aviso.

Richard Simmons a ser haya morto na su cas na Hollywood Hills pa su ama di cas dia 13 di juli. Trahadornan di emergencia a yega na e sitio, unda a pronuncie morto un dia despues di su cumpleaños. Fuentenan di polis a nota na juli cu polis no a sospecha homicidio...y tabata investigando e morto como

uno natural.

Richard a bira famoso despues di lansa The Anatomy Asylum—despues nombra como Slimmons—y un serie di videotape y DVD di fitness, incluyendo "Sweatin' to the Oldies," "Party off the Pounds," "Blast Off," "Pump and Sweat" "Tonin' Uptown," "Tonin' Downtown," etc.

Richard a tuma un stap atras for di e bista publico durante e ultimo añanan di su bida. Sinembargo, manera el a conta TMZ na mei...ainda e tabata conecta cu centenares di fanaticonan, mandando nan mensahenan inspirativo via e-mail y telefon.



Asociacion di futbol Hulandes a puntra pa apoya campaña pa activistanan deteni na Saudi Arabia

(nltimes)—Amnesty International ta cuminsando un campaña for di diamars pa 11 activista cu a ser deteni na Saudi Arabia “pa defende nan mesun derechonan humano of esnan di otro.” e campaña ta den anticipacion di e oferta di Saudi Arabia pa organisa e Copa Mundial di futbol na 2034. Amnesty ta puntrando e asociacion di futbol Hulandes, KNVB, y clubnan di futbol profesional na Hulanda pa apoya nan mensahe na e autoridadnan Saudi pa libera e “11 encarcela.”

Segun Amnesty, derechonan humano na Saudi Arabia ta den “historicamente mal condicion” bao Prins Heredero Mohammed bin Salman.



E organisacion a bisa cu tin “record halto di gradonan di morto”: 764 hende a ser checuta entre november 2018 y juli 2024. Amnesty tambe a nota cu e castigonan pa critica e autoridadnan Saudi ta aumentando. E organisacion di derecho humano ta pensa cu Saudi Arabia ta cometiendo “sport washing” cu nan oferta pa e Copa Mundial. “Por

medio di organisa un evento deportivo prestigioso, e pais kier sconde e hecho cu tin hopi cosnan malo ta pasa ora ta trata di derechonan humano,” Amnesty a splica.

E oferta di Saudi Arabia, manera e ta awo, no lo cumpli cu e criteria poni pa FIFA relaciona na derechonan humano. P’esey, Amnesty Inter-

national kier pa FIFA coopera cu autoridadnan di Saudi pa “adresa completamente e riesgonan di derechonan humano, cu acuerdonan legalmente vinculante, prome cu un decision final ser tuma na december.” Si esaki no pasa, e ora FIFA mester ta cla pa rechasa e oferta di Saudi Arabia pa organisa e Copa Mundial, Amnesty ta pensa.

“Ta keda na FIFA pa muestra cu nan ta serio tocante nan mesun politica di derechonan humano,” segun Dagmar Oudshoorn, director di Amnesty International Netherlands. “KNVB a bisa cu respetando derechonan humano ta e minimo. Nos ta asumi cu Saudi Arabia no ta un excepcion pa esaki pa KNVB. Y ta puntrando pa e asociacion

haci e rekisito minimo aki mas claro pa FIFA,” Oudshoorn a agrega.

Ademas, Amnesty tambe ta buscando pa apoya pa e campaña den e sector di futbol Hulandes. Den un carta manda diamars, e organizacion di derechonan humano a puntra clubnan pa apoya pa e 11 encarcela. “E bos di e mundo di futbol tocante e topico aki ta importante pasobra esaki por ser considera como sports washing.”

Amnesty ta spera cu e clubnan lo cuminsa menciona e activistanan encarcela. E carta lo ser manda na e clubnan di futbol profesional na Hulanda y varios gruponan di fanatico.

Delegacionnan di Deporte di Aruba, Boneiro y Corsou a reuni riba futuro di Weganan Interinsular

Recientemente a tuma luga na Boneiro reunionnan entre e islanan ABC pa asina evalua e Weganan Interinsular 2024 cualnan a tuma lugar den lunanan anterior y tambe planea e siguiente añanan di e weganen ariba menciona.

Aruba a ser representa door di IBISA, Boneiro door di INDEBON y Curaçao door di FDDK.

Durante e reunionnan aki tabatin evaluacion riba diferente tema. A evalua con e weganen a transcuri na cada un di e islanan pa aña 2024 y tambe a evalua otro aspectonan logistico/organisatorio pa asina haci ahustacion unda tin mester.

Como ultimo tema di e reunionnan a haci escogencia y reparticion di e diferente ramonan di deporte cu lo bay competi pa e temporada nobo di deporte escolar pa aña 2024-2025.

E ramonan di deporte pa cu Weganan Interinsular 2024-2025 lo bay ta:

1. Curaçao, 13 – 16 di maart 2025
Schaak / categoria 2014-2015 y 2012-2013, mucha homber y mucha muhe, scol basico y scol avansa;
Aquathlon / categoria 2014-2015 y 2012-2013, mucha homber y mucha muhe - scol basico y scol avansa;
Futbol / categoria 2007 y mas jong, mucha muhe - scol avansa;

2. Aruba, 27 – 30 di maart 2025

Basketbal 3x3 / categoria 2011-2013, mucha homber - scol basico;

Dam / categoria 2014-2015 y 2012-2013, mucha homber y mucha muhe - scol basico y scol avansa;

Volleybal / categoria 2011-2013, mucha homber, scol basico;

3. Boneiro, 10 – 13 di april 2025

Basketbal 3x3 mucha homber / categoria 2007 y mas jong - scol avansa;

Atletismo / categoria 2014-2015 y 2012-2013, mucha homber y mucha muhe - scol basico y scol avansa;

Trefbal / categoria 2011-2013 mucha muhe -



scol basico;
Meta di e Weganan Interinsular ta pa fortalece e laso estrecho di amistad entre islanan ruman riba e nivel di deporte escolar. Hunto e Identidadnan di Deporte di cada isla cu

nan Ministerionan concerni lo percura pa un organisacion sublime di e Weganan Interinsular den aña 2025.

Keda pendiente pa mas informacion.

Feyenoord lo tin netnan rond di veld atrobe pa via di wega hostile contra Ajax

(nltimes)—Feyenoord lo un bes mas pone net rond di e veld pa nan weganen contra Ajax. E netnan lo ser colga rond di e bandanan cortico y largo di e bankinan. E wega De Klassiekier, lo tuma luga diadomingo, 1 di september.

“E medida preventivo ta disefia pa stop obhetonan drenta den e veld cu lo probable-

mente solamente ser usa pa De Klassiekier, un wega cu tin un reputacion di ta hostile,” segun e club di Rotterdam a reporta riba nan website. “A tuma e decision despues di tende varios opinion.”

A colga e netnan den e stadion di Feyenoord, De Kuip, ultimo temporada, pero a kita nan riba peticion di fanaticonan. “Parcialmente debi na e reglanan di KNVB rela-

ciona na obhetonan cu ta ser tira, e club a anuncia e tempo ey cu e poste- y netnan lo regresa pa e resto di e temporada di 2025-2025 si e wega na Feyenoord ser interumpi of bandona,” e club a bisa.

Ta para weganen na momento cu algo ser tira riba veld y por ser bandona completamente si esaki sigui. E regla aki a ser implementa despues cu ex-hungador di Ajax Davy



Klaassen a haya golpi di un obheto na De Kuip aña pasa, supuestamente un lighter. El a keda cu un golpi riba cabes despues di e incidente.

Feyenoord tin cuatro punto despues di dos wega di Eredivisie e temporada aki. Ajax tin tres punto, ganando y perdiendo un wega.

Sindicato di hungadornan di basketball na Darmouth ta acusa scol di praticanan inhusto di labor debi cu a nenga pa negocia

(AP)—E sindicato representando e ekipo di basketball masculino a entrega diaranson un keho riba praticanan inhusto di labor contra e scol pasobra el a nenga pa negocia cu e hungadornan riba un acuerdo colectivo.

Service Employees International Union Local 560, cual ya ta representa otro empleadonan di Dartmouth, a bisa cu e fracaso pa negocia tabata un violacion di ambos ley di labor y e codigo di etico di e scol mes.

“Pa casi 60 aña, Dartmouth a sigui un tradicion di negocia hustamente y contractonan di sindicato equitativo pa nos lo-



cal,” segun presidente di sindicato Chris Peck a bisa den un declaracion. “Ta tempo pa e administracion di Dartmouth scapa e responsabilidadnan legal y financiero

acercando por medio di probecha di e oportunidad aki pa demostra liderazgo, manera e hungadornan a haci, y cumpli cu su retorico relaciona na e importancia di ambos comu-

nidad y dialogo.”

Un director regional di e Labor Relations Board a dicidi durante temporada di primavera e aña aki cu hungadornan di basketball di Dartmouth tabata empleadonan di e scol, clariando e caminda pa nan forma un sindicato. E hungadornan despues a vota 13-2 pa uni cu SEIU Local 560. Dartmouth a responde por medio di anuncia cu e no lo negocia cu e hungadornan nun tactico diseña pa forza e caso aki pa corte sperando cu un hues federal lo anula e decision di NLRB. “Esaki ta e unico bentaha cu Dartmouth tin pa haya e asunto aki revisa pa un corte federal,” e scol a bisa e tempo ey.

E scol a bisa cu hungadornan ta “studiantenan di ken nan programa educacional ta inclui atletica.”

“Atletanan den e Ivy League no ta empleadonan,” Dartmouth a bisa. “Mirando e compromiso di Dartmouth na atletanan como un extension di nos mision academico, nos ta kere cu e director regional a haci un eror extraordinario ora e descubri cu a studiantenan aki ta empleadonan.”

Dartmouth tambe ta buscando pa un evaluacion di e decision di e director regional pa e directiva completo.



Pleito Olimpico:

Oficialnan na sitio di nacemento antiguo di e weganan ta frustra tocante sitio di evento pa scoge presidente nobo pa IOC

(AP)—Oficialnan den Olimpia Antigua ta protestando e decision pa tene e proximo sesion di e Comité Olimpico Internacional den un region cerca di sur Grecia, en bes di e sitio di nacemento di e Weganan Olimpico.

E sesion di IOC na maart otro aña lo tuma luga na Grecia pa apunta un sucesor di Thomas Bach, ken ta retirando despues di sirbi como presidente desde 2013. Oficialnan Olimpico Griego ta bisa cu mientras Olimpia Antigua ta falta e facilidadnan grandi suficiente pa anfitrióna e evento, nan ta spera ainda pa inclui e sitio antiguo

den e reunionnan di cuatro dia.

Gobernador regional Nektarios Farmakis a expresa su decepcion, yamando esaki “un oportunidad perdi pa algo significativo.”

Den un publicacion online, el a skirbi: “Pa nos tur, e tera di e Olimpiadanan, Olimpia Antigua no ta solamente un museo di balornan bieu. E ta e sitio di significacion espiritual profundo, un faro cu ta atrae bishitantenan rond mundo.”

E alcalde di e ciudad y otro oficialnan local tambe a expresa nan decepcion publi-

camente diamars y ayera pa loke ta e decision di e sitio di evento.

Aunke no a anuncia e detayenan di e evento ainda, oficialnan for di e Comité Olimpico Hellenico a bisa cu e sesion di IOC lo tuma luga na e resort costero den e region di Messinia, sur di Olimpia Antigua.

Situa aproximadamente 290 kilometer suroeste di Atenas, Olimpia Antigua ta e sitio di nacemento di e Weganan Olimpico y e sitio unda e ceremonia di cende flambeau Olimpico a tuma luga cada dos aña.

Merca lo competi contra Mexico, Italia y Britania na Houston den e prome ronda di 2026 World Baseball Classic



(AP) —Merca lo enfrenta Mexico, Italia y Britania den Grupo B di e prome ronda di e 2026 World Baseball Classic, cual lo ser basa na e Minute Maid Park na Houston, Texas, Merca, segun Major League Baseball (MLB) y e asociacion di hungadornan a bisa ayera.

Puerto Rico lo hunga contra Cuba, Panama y Canada den Grupo A na Hiram Bithorn Stadium na San Juan. Campeon Hapon lo enfrenta Australia, Sur Korea y e Republica Checo den Grupo C na e Tokyo Dome entre 5 pa 10 di maart. Republica Dominicana lo enfrenta Venezuela, Hulanda y Israel den Grupo D na Depot park na Miami.

Cada grupo di cinco nacion lo inclui tambe un nacional cu ta sobresali den cualificacionnan, cual lo tuma luga den februari y maart 2026. E grupo di Tokio lo hunga entre 5 pa 10 di maart 2026, cu e otro entre 6 pa 11 di maart.

E dos top ekiponan den cada grupo lo avansa pa e cuartofinalnan dia 13 y 14 di maart, cu ekiponan for di Grupo A y B hungando na Houston y nacionnan cu a sobresali for di Grupo C y D topando na Miami. E semifinalnan lo ta dia 15 y 16 di maart na Miami, cual lo ta e sitio di e final dia 17 di maart.

Hapon a gana Merca 3-2 pa e titulo di 2023 na Miami mientras Shohei Ohtani a hinca un strike out contra Mike Trout na fin di wega. Hapon tambe a gana titulonnan di 2006 y 2009, mientras cu Republica Dominicana a gana na 2013 y Merca na 2017.


Houston ta organisando weganan pa prome biaha y San Juan pa prome biaha desde 2013. Tokio a organisa weganan den tur cinco edicion anterior.

Autornan ta demanda Anthropic pa violacion di copyright

(AP) - Un grupo di autor ta demandando compania di inteligencia artificial Anthropic, acusando cu esaki a comete “robo di escala grandi” den training di su chatbot popular Claude riba copianan piratia di bukinan protegi pa copyright.

Mientras demandanan similar a acumula pa mas di 1 año contra competidor OpenAI, creador di ChatGPT, esaki ta e prome di autornan contra Anthropic su chatbot Claude.

E compania basa na San Francisco, funda pa ex lidernan di OpenAI, a promove su mes como e desaroyado mas responsabel y enfoca riba seguridad di modelnan di AI generativo cu por compo-



email, resumi documentonan y interactua cu hende na un manera natural.

Sinembargo e demanda entrega dialuna na corte federla di San Francisco ta acusa cu Anthropic su acusacion a “haci bofon di su metanan” pa medio di haci uso di escrituranan piratia pa crea su

producto di AI.

“E no ta un exageracion bisa cu Anthropic su model ta busca genera ganashi for di e expresion humano y ingenuidad tras di e trabaonan aki,” e demanda ta declara.

Anthropic no a inmediatamente responde na peticion

pa comentario dialuna.

E demanda a ser treci dilanti pa un trio di escritor, Andrea Bartz, Charles Graeber y Kirk Wallace Johnson kenden ta buscando representa un klas di autornan den posicion similar di tanto ficcion como no-ficcion.

Mientras cu esaki ta e prome caso contra Anthropic di autornan di buki, e compania tambe ta luchando contra un demanda di publicistanan di musica grandi kendenan ta acusa cu Claude ta haci uso di musica tambe protegi pa copyright.

E autornan su caso a uni un cantidad cu ta keda crece di demandanan otorga contra desaroyadornan di AI su

modelonan grandi di lenguahe na San Francisco y New York.

Loke ta conecta tur e casonan aki ta e acusacion cu companianan di tecnologia ta ingeri gran cantidad di escritura di ser humano pa train chatbot di AI y produci texto similar na esun di ser humano, sin ricibi permiso of compensa e personanan cu a skirbi e letranan original. E desafionan legal aki ta bini no solamente for di e escritornan sino tambe artistanan visual, companianan di musica y otro creadornan cu ta acusa cu AI generativo ta genera su ganashi riba uso ilegal.

China ta baha aprobacion pa planta di energia di carbon despues di preocupacion di expertonan

(AP) - Aprobacion pa plantanan di energia cu carbon na China a disminui drasticamente den e prome mita di e año aki, segun analisis publica diamars despues cu un gran cantidad di permiso durante 2 añanan anterior e a trece preocupacion tocante e gobierno su compromiso pa limita cambio di clima.

U evaluacion di documentonan di proyecto di Greenpeace East Asia a haya cu 14 planta local nobo a keda aproba for di januari pa juni, cu un capacidad di 10.3 gigawatt, cual ta un disminucion di 80% for di 50.4 gigawatt den e prome mita di año pasa.

Autoridadnan a aproba 90.7 gigawatt den 2022 y 106.4 gigawatt den 2023, un aumento cu a bati alarma entre expertonan di clima. China ta lider mundial den instalacion di energia di biento y



solo sinembargo e gobierno a bisa cu e plantanan di carbon te ainda ta necesario pa temporadanan di demanda halto pa motibo cu energia solar y di biento ta menos confiabel. Mientras cu China su red ta duna prioridad na fuentenan berde di energia, expertonan ta preocupa cu e no lo ta facil pa China pro stop uso di carbon na momento cu e capaci-

dad nobo ser crea.

“Actualmente nos por ta mirando un punto di cual nos no por bolbe,” Gao Yuhe, lider di proyecto pa Greenpeace East Asia a bisa den un declaracion. “Un pregunta ta keda aki. E provincianan Chines ta bahando e aprobacion di carbon pa motibo cu ya caba nan a aproba asina hopi proyecto di carbon? Of esaki ta e ultimo parti di energia di carbon den transicion di enegia cu a mira carbon bira menos practico? Solamente tempo lo contesta e preguntanan aki.”

Greenpeace a publica e analisis na Shanghai Institutes for International Studies, un think tank afilia cu e gobierno.

Expertonan di tempo di e gobierno a adverti cu e pais

mester prepara pa eventonan di tempo mas extremo a causa di cambio di clima. E Ministerio di Recursionan di Awa a bisa cu pa fin di juli riunan grandi tabatin 25 inundacion significante e ana aki, cual ta e cantidad mas halto desde cu a cuminsa mantene un record na 1998.

Na Hunan, autoridadnan a bisa dialuna cu e cantidad di morto a aumenta na 50 cu 15 otro ainda disparci, mientras e buskeda ta continua despues di tragedianan ntural relaciona cu un tormenta tropical cu a golpia partinan sur di China luna asa.

Mientras cu inundacion di temporada ta comun den e partinan aki, e parti este cu ta hopi mas seco y ta cerca di areanan na Nort Korea tambe ta mirando yobida mas pisa. Inundacion a corta electri-

cidad y comunicacion den mayoria di Jianchang den e provincia Liaoning riba diamars y a keda cu mas di 300 persona pega, kendenan mester a ser evacua via helicopter segun media di estado.

E gobierno a emiti un gran cantidad di documentonan den lunanan recien tocante reduccion di emision di carbon y acelera e cambio na energia renovabel.

National Energy Administration a revela un plan di 3 año den uni pa traha riba unidadnan di energia di carbon existente y ekipa esnan recien construi cu tecnologianan di uso abao di carbon. Otro gobierno su plan lansa e luna aki pa “acelera e construccion di un sistema nobo di energia” a trata obstaculonan y desafionan, incluyendo con pa expande e transmision di energia renovabel.

Gao a bisa cu China mester enfoca su recursionan riba un miho coneccion di energia solar y di biento na e red na luga di construi mas planta di carbon. Carbon ta provee mas di 60% di e pais su electricidad.

“Carbon ta hunga un ron fundamental den China su seguridad di energia,” Li Fulong, oficial di National Energy Administration a bisa na un conferencia di prensa den juni.



Canasta di lionfish perdi recupera danki na piscadonan

Santa Rosa ta reconoce e aporte di e conocimiento di lama di nos comunidad piscado

Algun siman atras Departamento di Agricultura, Cria y Pesca, conoci popularmente como Santa Rosa, a haci un yamado na comunidad y particularmente piscadonan di Aruba pa yuda cu e buskeda di un canasta experimental pa lionfish cu a perde den nos lama durante pruebanan di investigacion.

Santa Rosa a keda acerca pa Sr. Patrick van Brakel, conoci pa su tantísimo videonan educativo di @Lionfishhunter Aruba, como e @Lionfish Snack Aruba, pa por duna un asistencia na su persona y un estudio cu el a inicia riba propio iniciativa y trahando cu @Caribbean Lionfish Alliance, @Aruba Reef Care Foundation. Sr. van Brakel a bin ta experimenta cu varios "Lionfish traps" of canasta pa Lionfish siguiendo diseño di @NOAA Office of National Marine Sanctuaries. Su ultimo intento a ser poni algun tempo atras den lama y pa mala suerte net despues e tormenta Beryl a azota nos costa cu consecuencia cu e instrumento cu ta contene un luz y un camara no por a keda localisa.

Santa Rosa mesora a compromete pa yuda Sr. Van Brakel pa recupera e artefactonan y tambe sigui yuda cu e investigacion riba lionfish. E canasta ta un diseño cu a bin ta desaroya conhuntamente cu investigadornan na Bermuda y ta basa riba e diseño di lobster traps di e area ey. E ca-



nasta ta un bari adapta pa laga Lionfish drenta pero difícil pa nan sali. E tabata tin un boei y un anker na dje. Manera menciona caba, e tabata tin tambe un luz y un camara instalada.

Seccion di pesca di Santa Rosa, desde 2009 cu e prome Lionfish invasivo a keda registra den nos awanan, a lidera e monitoreo di e potencial peligro invasivo aki y investiga si por converti esaki den un pesca sostenibel cu por aporta na nos economia y seguridad di provee alimento propio fresco y saludabel. Asina por menciona cu a tuma lugar varios torneo di Lionfish, actividad culinario, investiga-

cion científico y mucho mas pa tanto tanta e conocimiento den nos comunidad como tambe colecta informacion practico cu por ser aplica na Aruba. Pesey ora e seccion di pesca di Santa Rosa a keda acerca pa yuda cu e buskeda, a drenta accion mesora y rapidamente tuma e iniciativa pa acerca piscadonan den e buskeda ya cu Santa Rosa ta reconoce semper e conocimiento profundo di lama cu nos piscadonan tin. Piscamento pa Santa Rosa ta parti integral di e cultura, economia y naturalesa di Aruba. E aporte di nos piscadonan pa loke ta provee cuminda fresco di calidad ta djis parti di tur nan ta contribui na nos isla. Nan aporte na e herencia intangibel ainda tin ainda mucho mas pa contribui na nos comunidad.

Juan Giel a recupera e canasta. Tabata ni un dia despues cu a emiti e yamada di auxilio, cu e conocido piscado Juan "Tintin" Giel, cu ta forma parti di e clan di piscado di Wolff, bon conoci na Noord pa provee pisca fresco y particularmente masbango y otro pisca di reda, a avisa Santa Rosa y Sr. van Brakel cu el a mira e artefacto. Es mas el a duna algun indicacion pa purba localis'e. Santa Rosa y Sr. Van Brakel a bay mesora y sondea e area pero no a logra. Ta te ora Sr. Giel tabata tin un dia liber di su trabaonan y cu e tabata tin tempo pa dedica na lama na su gusto, cu el a yega tera cu e bon noticia cu el a trece e canasta pa Sr. Van Brakel. Santa Rosa ta manda

palabra di gradicimento na Sr. Giel y tambe danki na e clan di Pedro "Buchi" Wolff pa nan contribucion cu e logro aki. Felicitacion ta na su lugar pa nos piscadonan y sigur tambe na Sr. Van Brakel cu a keda mantene speransa y e causa di combati lionfish den pantaya. Danki y pabien.

Investigacion valioso Santa Rosa lo sigui conhuntamente cu demas instancia y organisacionnan relevante y interesa pa colecta y distribui informacion. Te ainda e manera mas eficaz pa controla Lionfish invasivo ta pa tira esaki cu un tipo di harpun. Hopi biaha ta usa e slingshot of polespear pa e tarea aki.

E limitacion pa e metodo di sambuya y tira Lionfish ta cu ta unicamente unda hende por yega y sambuya, lo por controla Lionfish invasivo. E idea pa considera canasta pa Lionfish ta cu usando canasta posiblemente por yega na lama mas hundo cu hende por duik y posiblemente ta un metodo di pesca economicamente viable. Rond mundo ta unicamente algun lugar ta purbando cu e metodo aki y pa cual motibo lo ta sumamente valioso e resultadonan di e investigacion aki. Santa Rosa awor, cu input di piscadonan, lo traha cu Sr. van Brakel riba e proximo diseño y experimentonan pa asina mehora e modelo.



Entrada hudicial na 3 adres den oranan di madrugada cu 4 detencion

Diamars madrugada varios oficial hudicial tabata riba pia pa asina haci 3 entrada hudicial cu 4 detencion.

Nan a drenta na Sero Janchi, Ponton y Savaneta. Mucho informacion no por duna ainda te ora esaki ta oficial. Ta trata aki di un caso di droga cu autoridad ta investigando, y a haci en total 4 detencion.



Homber di edad a cay banda di caminda na Savaneta y a kap su cabes



Den oranan di mainta a drenta informe di cu un persona di edad canando

riba e acera banda di e pompstation na Savaneta a tropica y a dal abao

y herida su mes, mesora a dirigi tanto polis como ambulans na e sitio.

Na yegada di e patruya a nota cu e homber a kap parti patras di su cabes y tabata sangran-

do. Na yegada di e ambulans nan a atende y a transporte pa centro medico.

Durante control rutinario na Savaneta polis a detene otro persona indocumenta na Aruba

Diamars mainta durante cu polis tabata teniendo control den trafico na Savaneta a logra topa cu un persona cu no por a musta permiso pa ta na Aruba.

Mesora polisnan a detene y a transporte primeramente pa warda di polis Sanicolas y despues pa Warda Nos Costa.



Polis a pasa lanta adicto ambulante drumi dilanti botica

Diamars mainta tempran un patruya di polis atento a tuma nota di un adicto ambulante femenino drumi dilanti Botica Oduber, mesora a lant'e for di soño y cor'e cun'e for di e sitio.



BCA ta lansa encuesta tocante seguridad di alimento

Siguridad di alimento ta referi na un situacion den cual tur persona, na tur momento, tin acceso fisico, social y economico na suficiente cuminda sano y nutritivo cu ta satisface nan necesidadnan di dieta y nan preferencia di cuminda pa por biba un bida activo y sano.

Siguridad di alimento ta importante. E por conduci na miho salud, empodera hende muhe, promove estabilidad economico y reduci problemanan climatologico. Pa por compronde e estado di siguridad di alimento na Aruba miho, Banco Central di Aruba (BCA) lo tene un encuesta digital tocante siguridad di alimento durante e periodo di 16 di augustus



2024 te cu 16 di september 2024. E meta di e encuesta aki ta pa midi con ta experiencia siguridad di alimento na Aruba. E data obteni lo duna BCA informacion tocante e estado

di siguridad di alimento na Aruba y haci posibel cu BCA por recomenda maneho riba e topico. BCA ta enfatisa cu e encuesta ta totalmente anonimo y ta garantisa cu lo trata tur infor-

macion obteni confidencialmente y uza nan solamente pa metanan estadistico y pa maneho. BCA ta invita comunidad pa participa na e encuesta aki. Si tin cualkier pregunta ariba e

topico aki, por tuma contacto cu Sra. Lorraine Tromp, Senior Economist na Research Department di BCA, na (297) 525-2121 of via e-mail na l.e.m.tromp@cbaruba.org.

Biblioteca Nacional Aruba ta introduci nan logo nobo


























Dia 20 di augustus ta celebra '75 aña trabou di biblioteca na Aruba'. Biblioteca Nacional Aruba ta un biblioteca multifacetico den sentido cu e ta un biblioteca publico cu ta presta buki y duna informacion na publico, un biblioteca cu ta sostene scolnan, un biblioteca nacional cu ta conserva patrimonio cultural di Aruba y un lugar unda ta sostene y promove expresionnan cultural.

exion cu comunidad a rebiba e logo. Muy en particular e Font y e colornan. E forma a keda mes cos, como cu esey ta hopi conoci caba. E blokinan ta representa lomba di buki y un mundo di buki y informacion. E logo ta diseña na un manera, pa apela na tur grupo meta.

E blokinan: ta expresa cu Biblioteca ta yuda construi y contribui na un comunidad bon informa. Pensa por ehempel na construcion di un Centro di Informacion completo, contribui na engrandece conocimiento en general y contribui na informa tur miembro di comunidad. E letranan ta duna un efecto fluido, habri, flexibel y suave. E colornan ta moderno, yen di energia, bibo y ta hala atencion.

Trabou di biblioteca na Aruba a desaroya durante añanan como tambe e forma pa warda/conserva material. Biblioteca a crece hunto cu e comunidad Arubano y ta posiciona su mes fuertemente den cuadro di educacion continuo pa tur. Pa expresa e crecemento, ambiente, con-

Resultado Sorteo Augustus 21							
Cadena Alexander Lottery ta presenta resultado di weganan di suerte							
DIARIO		KORSOU		SUPER4		FLAMINGO	
4249		0094		6888		2113	
5251		8063		SUPER5		4986	
9024		5263		92022		9134	
MERDIA				ANOCHI			
 Sorteo # 4364 3242 5170 8436  X2  Sorteo # 4364 2460  X2  Sorteo # 2420 7181  Sorteo # 4364 8232 Tauro  Sorteo # 1238 325  FP		 Sorteo # 8326 6352 9558 7708  FP  Sorteo # 7370 1897  FP  Sorteo # 2075 6834  Sorteo # 6129 7987 Scorpio  Sorteo # 1059 707  X2		 Sorteo # 2520 0 x Jackpot 1 x Match 4+ 8 x Match 4 240 x Afl. 12,00 06-09-20-27-34 Joker 5 Letter J Proximo Jackpot 235.000,-  Sorteo # 6570 0 x Jackpot 7 x Match 4 166 x Afl 8,00 07-16-17-25-29 Proximo Jackpot 103.000,-  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl. 15,00 Mega Ball Proximo Jackpot 750.000,-  Afl. 1.100.000,-  Sorteo # 			



**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Oduber Seroe Preto
Tel. 582 1780 Tel. 584 4833

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Muhe di Spaña cu a kere ta e persona di edad mas halto na mundo a fayece cu 117 aña di edad

(AP) - Maria Branyas, un muhe di Spaña naci na Merca ken ta considera di ta e persona di edad mas halto na mundo cu 117 aña di edad, a fayece segun informacion di su famia duna diamars.

Den un publicacion riba Branyas su cuenta di X, su famia a skirbi den Catalan: "Maria Branyas a bay laga nos. El a bay laga nos di e manera cu e tabata kier; den su soño, na pas y sin dolor."

Gerontology Research Group, cual ta valida e detaye di hende cu ta pensa di tin mas di 110 aña, tabatin Branyas nombra como e persona di edad mas halto na mundo despues cu e zuster Frances Lucile Randon a fayece aña pasa. E siguiente persona na e lista di Gerontology Research Group awo ta Tomiko Itooka di Hapon, ken tin 116 aña di edad.

Branyas a nace na San Francisco dia 4 di maart 1907. Despues di biba pa algun aña na New Orleans, unda su tata a funda un revista, su famia a bolbe Spaña tempo cu e tabata chikito. Branyas semper a bisa cu e tin memorianan di crusa e Oceano Atlantico durante e prome guerra mundial.

Su cuenta riba X ta yama "Super Catalan Grandma" y tin e descripcion di "mi ta bieu, hopi bieu pero mi no ta un idiota."

Na edad di 113, Branyas a test positivo pa COVID-19 durante e pandemia global, sinembargo el a evita desaroya sintomna severo cu a tuma e bida di miles di otro persona Spaño. Na e momentonan di su morto e tabata bibando den un cas di cuida na e pueblo Catalan di Olot.



Su famia a skirbi cu Branyas a conta nan dlanan prome cu su fayecimento: "Mi no sa ki tempo, pero hopi pronto e biahe largo aki lo yega su fin."

Morto lo haya'mi cansa di a biba asina hopi, pero mi kier top'e cu un sonrisa, sintiendo liber y satisfecho."

Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: temporalmente hopi nubla cu un awasero breve

Temperatura maximo 34
grado celsius

Temperatura minimo 28
grado celsius

Indice di calor (heat index)
den y rond di oranan di merdia: 35 pa 42 grado celsius
UV index: 12

Bahada di solo : 6:57 pm
Subida di solo : 6:29 am

Biento:

Moderate te basta fuerte for di direccion generalmente oost;
Forsa 4 te 5 (20 te 39 km/ora, 11 te 21 nudo).
Durante di dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo



pa proximo 24 ora:
Un ola tropical a drenta parti oost di Caribe y ta treciendo humedad mientras e ta move bay west. Por spera algun awasero breve durante e periodo di pronostico aki.

**Condicionnan maritimo/
estado di lama:**

Na partinan protegi di costa: keto, rond di 1 pia.
Na partinan zuid: trankil te modera, rond di 2 te 3 pia.
Na partinan oost te noordwest di costa: Generalmente modera cu olanan alrededor di 4 pa 5, localmente 6 pia.

EH Aluminium Expert

Ta Busca:

Aluminium Fabricator

Por yama na
Tel. 594 5132

218241

CLAU CORPORATION NV

Ta Busca:

JARDINERO

Orario di trabou 6am pa 3pm
(1 ora di break)
Interesado yama/whatsapp:
Cel 5923266

218239



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Spreek, Heere, want uw knecht hoort.” Samuel
3:9-10

Nos ta anuncia fayecimento di:



Anne Waslander
★14-10-1947 †16-08-2024

Na number di su:

Mayornan: †Klaas y †Wietske-Waslander

Esposa: Sira Waslander-Flanegien

Yiu: Simon Waslander

Rumannan: †Blijke Waslander en †Wijbren
Jorritsma

†Symon Theunis Waslander
en †Yke Damstra

†Klaske Waslander en Murk
Haanstra

†Aaltsje Waslander en Jappie
Betzema

Tseard Waslander en Aaltje
Salverda

Suegra(o): Felix y Teresa Flanegien-Ruiz

Swa y cuñanan: †Emiliano y †Anita Flanegien
y famia

†Agnes y †Arie van
Weenen-Flanegien y famia

Lucila y †Valerio de Kort-
Flanegien y famia

Berta y Tony Giel-
Flanegien y famia

Victoria y †Edwin Croes-
Flanegien

Matheo Flanegien y famia
†Felix Flanegien y famia

Asinto y Inchi Flanegien-
Oduber y famia

Demas famia: Waslander, Flanegien, Ruiz,
Figaroa, van Weenen, de Kort, Giel, Croes,
Oduber, Tromp, Kelly, Semeleer, Romano.

Acto di entiero lo tuma lugar Diabierna 23
augustus 2024 di 9or pa 11or di mainta na Misa
Santa Anna na Noord y despues lo Sali bai pa
santana catolico na Noord.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Di berdad, di berdad, mi ta bisa boso,
Esun cu tende mi palabra I kere esun
Cu a manda mi, tin bida eterno, I no
Ta bin na huisio, ma a pasa for di
Morto pa bida” Juan 5:24

Nos ta anuncia fayecimento di:



Antonio Rolando Dirksen
Mihor conoci como: “Roy”
★17-01-1959 †16-08-2024

Na number di su:

Mayornan: †Jan Christoffer Dirksen y
†Amelina Dirksen-Vrolijk

Rumannan:

Johannes Ricardo Dirksen

†Karel Erwin Dirksen y yunan

†Maria Imelda Erasmus-Dirksen y Antonio

Francisco Erasmus y yunan

†Shirley Rosalda Dirksen

Tanta grandi Mamita: Martha Dirksen-
Wernet

Bon bisñanan:

Santander Arzuza Cervantes y Alicia

Montes Espinosa

(Padrino) Richard Croes y Rosa Hoevertsz

Y demas famianan, tanta y omonan, sobrino
y sobrinanan, primo y primanan, amigo nan
cu tabata tey pe durante su enfermedad.

Ta invita pa acto di despedida cual lo tuma
lugar na Aurora Funeral Home Diahuebs
22 di augustus 2024 di 9’or pa 11’or di
mainta. Cremacion ta tuma lugar den seno
familiar

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba

Dios a tira un bista den su hardin y a topa un espacio bashi,
Despues su Mirada a pasa ariba tera y a mira bo cara cansa.
El a pone su brasa rond di bo y a hibabo pa bo por sosega.
Esta bunita ta Dios su hardin. E ta scohe solamente e mihor.

Di berdad, mi alma ta spera den kietud riba Dios so;
mi salbacion ta bin for di dj’E. E so ta mi baranca y mi
salbacion; E ta mi defensa; lo mi no wordo sacudi mucho.
Salmo 62:1-2

A bay sosega den brasa di su Creador



Edna Maria Benzo-Croes
★23 Augustus 1944 - † 21 Augustus 2024

Na number di su:

Casa:

Alejandro “Alex” Benzo Rivera

Yunan:

Xiomara y Jair Saenz-Oviedo

Xylitza Oviedo

Yeimie Benzo

Manera yiu:

Maria van Namen y famia

Nieta y nietonan:

Raymara Tromp

Zaylitza Luidens

Johnayla Luidens

Xyzia Solognier

Yadiër Brete

Yeilany Brete

Yauviër Brete

Manera nieta:

Vanessa Antonij Saenz y yunan

July Saenz y yunan

Laura Saenz

Bisnieto y nieta:

Ryjer Gomez

Ryxielle Fabian

Rumannan:

†Mirna Vis-Croes

†Hector “Ety” Croes y famia

Eric y Esmeralda Croes-Pontilius y famia

†Edgar “Hapa” y Hellen Croes-Wells y famia

Francis Croes y famia na Hulanda.

Manera ruman:

Ronnie Geerman y famia

Subrino y Subrinanan:

Veroushka Croes

Vincent Croes

Johen Croes

Joelly Croes

Nashmah Lake

Erialda Croes

Sharlon Croes

Sharlise Croes

Jonathan Rafini

Edgar Jr Croes

Shaundrick Croes

Caroline Croes

Brynnner Croes

Naigel Quandt

Tur su bon bisñanan y amiganan di cas.

Tur su yunan, nietonan, bisnietonan, tanta y omonan,
cuñanan, comer y compernan, su ihanan na aruba y den
exterior y demas famia Croes, Benzo, Dubero, Oviedo, Saenz,
Tromp, Luidens, Brete, Solognier, Gomez, Fabian, Pontilius
, Wells, Geerman, Besselink, Leo, Quandt, Heyer, Oduber,
Vis, Nicolaas, Martes, Thielman.

Nos kier a invita pa asisti na e acto di condolencia y despedida
cual lo tuma lugar na Aurora Funeral Home diabierna 23 di
augustus 2024 di 9’or pa 11’or di mainta.



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi, ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga casakinan termina den tur bunitesa.
-Cado Wever-

Cu dolor na nos curason, pero agradecido pa tur locual el a
significa pa nos, nos ta anuncia cu a bay sosega den brasa di
Señor nos estimado tata, welo, ruman, omo, sua y amigo:



Sr. Frederick Rudolph Franken
Cariñosamente yama "Rudy", pa,
opa
*19-10-1957 †22-06-2024

Na nomber di su:

Yiunan: Lurica "Isha" Franken
Asinto "Aby" Franken
†Frederick "RJ" Franken

Mayornan: † Asinto "Chin" Franken
† Jesusita "Susita" Franken-Luydens

Nieto(a)nan: Jennifer y Xianne

Rumannan: June y Albertico Tromp
Hubert Franken y Swinda Thiel
Sra. Viuda Trixi Esteba-Franken
†Marjorie y Antonio Maduro
Angelín y Sydney Dirksz
Melicent y Cecil Tromp
Robertico "Marion" Maduro y

Susana de Wit

Subrino y Subrinanan: Nadine Tromp y Ansley
Koolman y yiunan, Jerrold Tromp y yiunan, Thisia y
Eric Sayers y yiunan, Hilyane Franken, Jeannil Esteba
y Joally Briesen y yiunan, Nilson y Rho-Jeanne Esteba
y yiunan, Aldrin Maduro y Roslyn Croes y yiu, Vanessa
Maduro, Dianne Maduro y yiunan, Cédric y Catalina
Dirksz, Ansey Dirksz, Cyrielle Tromp y Gregory
Boekhoudt
Ilian Maduro, Celine Maduro

Tanta- y Omonan, Primo- y Primanan, Comer- y
Compernan

Su Ihanan: Aniera Briezen, Danella Tromp, Jeannil
Esteba

Su bon amigonan: di Boegoeroei y Johnny Tromp

Demas famia: Franken, Luydens, Maduro, Tromp,
Esteba, Dirksz, Thiel, de Wit, Gomez, Bermudez,
Eckmeyer, Ruiz, famianan na Merca y Hulanda.

Ta invita tur famia, amigo, bisiaña y conocirnan pa asisti
na acto di entierro cual lo tuma lugar diasabra 24 di
augustus 2024 for di 2or pm pa 4or pm na Misa Santa
Anna Noord, despues saliendo pa Santana Catolico
Noord.

Nos ta lamenta cu prome y despues di entierro no por
ricibi bishita di condolencia na cas.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur loke el
a haci y significa pa nos, lo keda graba pa semper den nos
mente y curason. "Serca Dios mi alma ta na paz, ta di DJ'E
mi salvacion ta bin"
Salmo 62:1

Cu honda pena pero conforme cu boluntad di Dios,
nos ta anuncia fayecimento di nos ruman y tanta
stima:



Regina Krosendijk
Cariñosamente yama: "Ina, Tanta Ina,
Ima.
* 25-04-1948 † 16-08-2024

Na nomber di su

Mayornan:
† Sr. Thomas José Krosendijk
† Sra. Marianita Krosendijk-Kock

Rumannan:
† Sr. Teofil Krosendijk y † Sra. Polonia Krosendijk
† Sra. Maria Merselina Krosendijk y † Sr. Felix
Krosendijk
† Sra. Otilia Krosendijk y Sr. Francisco Koolman
Sr. Nercisio "Bibichi" Krosendijk y † Sra. Ana
Maria Koolman
Sra. Theresita "Tele" Krosendijk y † Sr. Ignacio
Koolman
Sr. Jacobo "Coco" Krosendijk y Sra. Alicia
Boekhoudt

Iha nan:
Ludmila "Milly" Koolman
Jelitza "Jeli" Haseth-Koolman

Sobrino y sobrinanan, Sobre sobrino(a)nan,
primo y prima nan, comer y compernan, ihanan,
bisiñanan, amigo y amiganan y demas famia;
Krosendijk, Kock, Dubero, Tromp, Krosendijk,
Koolman, Boekhoudt, Kwidama, Kelly,
Hernandez, Croes, Jacobs, Vrolijk, Geerman,
Filiciana, Angela, Holsman, Raven, Maduro,
Haseth, Britten, Rivero, Lawrence, Bikker, Ras,
Wernet, Middendorp, Orman, Werleman Grupo
di oracion di San Hudas Tadeo y Guadalupe, Cas
di Machi pa nan cuido y atencion.

Ta invita tur famianan, amistadnan, bisiñanan y
conocirnan pa asisti na e acto di despedida cual lo
tuma lugar diasabra 24 augustus 2024 na Aurora
Funeral Home for di 2pm pa 4pm y despues pa
santana Catolico na Santa Cruz.

Acto di condolencia lo ta diabierna 23 di augustus
2024 di 7pm pa 9pm na Aurora Funeral Home.

Nos kier a pidi disculpa pa si nos por a lubida un
of otro famia den nos tristesa.

Despues di entierro no ta ricibi bishita na cas.


Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Rev 21:4
Y lo e seka tur lagrima for di
Nan wowo y lo no tin morto mas:
Ni tristesa ni sclamashon
Ni dolor lo no tey mas.



Sra. Rosa Maria Croes-Croes
Mihor conoci como; "Jojo of
Mama Jojo"
*02-10-1930 - †20-08-2024
Vda. di Florencio Croes

Na nomber di:

Yiunan: Matilda Croes-Croes y yiunan
Sixto y Marijke Luydens-Croes y
yiunan

Henry y Iris Kock-Croes y yiu
Erico Croes, Maria M Croes
Raymundo y Sandra Vrolijk-Croes y

yiunan
Rosita Croes, Renny Croes

Rumannan: †Regina Croes, †Brigida Croes
†Juliana Angela-Croes y yiu
Benny y Balta Croes y yiunan
†Genara Maduro-Croes y yiunan
†Silvio y Silvia Croes y yiunan
Bertha y Nino Gibbs-Croes
Mario Croes, Nicolina Kelly-

Croes
Anselmo y Gloria Croes y yiunan
Maria y Pedro Flemming-Croes y

yiunan
Ada Croes y yiu

Nieto(a)nan y bisanieto(a)nan
Suegro(a)nan
Bisiaña y amigonan y demas famia

Gradicimento special ta bai pa: Elka y Marijke,
Emy, Bea y Lola. wit gele kruis

Disculpa nos si den nos tristesa nos por a lubida
algun miembro di famia.

Ta invita pa acto di entierro cual lo tuma lugar na
Aurora Funeral Home Diasabra 24 di Augustus
2024 di 9'or pa 11'or di mainta y despues lo Sali
bai pa santana catolico na Santa Cruz.

EAU ta acepta credencialnan di embahador di Taliban den logro diplomatico grandi pa gobernadornan di Afganistan

(AP)—E Emirato Arabe Uni a acepta ayera e credencialnan di e embahador di Taliban pa e estado Arabe Golfo, e rebeldia diplomatico mas grandi di e gobernadornan di Afganistan cu no ta reconoci oficialmente como e gobierno legitimo di e pais.

E desaroyo, e prome embahador di Taliban desde cu un a ser apunta pa China december ultimo, a subraya e division internacional tocante con pa deal cu e gobierno awo na Kabul.

E ministerio di Relacionnan Exterior na Kabul a confirma e noticia tocante Badruddin Haqqani den un publicacion riba e plataforma di red social X. E ministerio no a responde na peticionnan pa informacion tocante Haqqani, ken previamente tabata e envio di Taliban pa e EAU.

Haqqani no ta famia di e ministerio di Relacionnan Interior Sirajuddin Haqqani, ken na juni a reuni cu e lider di EAU, Sheikh Mohammed bin Zayed Al Nahyan, pero



e ta di su ekipo. Sirajuddin Haqqani ta e lider actual di e red poderoso di Haqqani, un movimiento militante alia cu e Taliban, y un terrorista global. E ta busca pa Merca pa su envolvimento den e atakenan mortal y tambe ta riba varios lista di sancion.

Aunke e Taliban ta keda iso-

la for di e West, nan a persigui relacionnan bilateral cu podernan regional. Siman pasa, prome minister Uzbeko Abdulla Aripov a yega na Afganistan den e bishita di nivel mas halto pa un oficial di afo desde cu e Taliban a regresa na poder na Afganistan tres aña pasa.

E Organisacion di Nacionnan

Uni ta bisa cu reconocimiento oficial di e gobierno Taliban ta “casi imposible” mientras cu restriccion riba hende muhe ta den luga. Den un desaroyo separa diaranson, un experto di derecho humano apunta pa ONU a critica e decision di e Taliban pa prohibi’e drenta Afganistan. E relator special riba e

situacion di derecho humano na Afganistan Richard Bennet a critica e tratamento di e Taliban di hende y mucha muhe.

Bennet a bisa cu e anuncio di e Taliban cu nan no lo dun’e acceso mas pa Afganistan tabata “un stap patras y ta manda un señal preocupante” tocante nan participacion cu ONU y e comunidad internacional riba derechonan humano.

“Mi ta urgi e Taliban pa cambia nan decision y reitera mi disposicion y disponibilidad pa biaha pa Afganistan,” Bennet a bisa. Un vocero pa e ministerio di Asunto Exterior na Kabul a adverti cu e actividadnan di Bennet ta dañino pa e interesnan di Afganistan y e pueblo Afgano.

“A considera cu lo ta adecua pa Bennet continua su conducta no profesional for di su oficina en bes di cansa su mes cu biahamento innecesario,” e vocero, Abdul Qahar Balkhi, a conta AP den un mensahe.

Iran su parlamento estricto ta aproba tur miembro di gabinete presidencial, pa prome biaha desde 2001

(AP)—E parlamento estricto di Iran a aproba ayera tur miembro di e gabinete di presidente reformista Masoud Pezeshkian, e prome biaha den mas cu dos decada cu un lider por a haya tur su oficialnan aproba pa e cu-erpo.

E aprobacion ta marca un victoria trempan pa Pezeshkian, un legislador cu a haya su mes den e asiento presidencial despues di un accidente di helicopter na mei cu a mata su predecesor.

Pa haya su oficialnan aproba ta muestra cu Pezeshkian a scoge un gabinete di consenso cu nombrenan tolerable na tur di e centronan di poder dentro di e teocracia di Iran, en bes di bay pa decisionnan controversial tambe.

Subrayando e punto ey, Pezeshkian a publica un imagen online cu e parando banda di e hefe hudicial di Iran, un clerigo Shiite y e speaker pa e parlamento di e pais, un



politico di liña duro cu el a yega di enfrenta den eleccion. “Consenso pa Iran,” el a skirbi den e caption.

Ex-minister di Asuntunan Exterior Mohammad Javad Zarif, ken a campaña pa Pezeshkian den su eleccion, a retira despues como vice presidente pa e lider nobo debi na e seleccionnan di gabinete.

Entre esnan den e gabinete nobo di Pezeshkian ta Abbas

Araghchi, 61, un diplomaat cu lo ta e minister di Asunto Exterior nobo di Iran. Araghchi ta un miembro di e ekipo negociante di Iran cu a yega na un trato nuclear cu podernan global na 2015 cu a limita e programa nuclear di Tehran den un intercambio pa anula e sancionnan imponi.

Na 2018, e presidente Mericano e tempo ey, Donald Trump, a saca Merca for di e trato y a impone mas sancion riba Iran. Pezeshkian a bisa

durante su campaña presidencial cu e lo purba rebiba e trato nuclear.

E candidato cu a ricibi mas apoyo for di legisladornan tabata e minister di Defensa nobo, Aziz Nasirzadeh, ken a ricibi 281 voto for di e 288 legisladornan presente. E camara tin 290 asiento. Nasirzadeh tabata hefe di e forsa aereo Irani for di 2018 pa 2021.

Minister di Salud Mohammad Reza Zafarghandi a rici-

bi e cantidad di voto mas abao cu 163. E unico minister femenino proponi, minister di Vivienda y Carretera Farzaneh Sadegh, un arkitekto di 47 aña, a ricibi 231 voto. E ta e prome minister femenino na Iran den mas cu un decada.

E parlamento tambe a aproba e proposicion di Pezeshkian pa minister di Inteligencia Ismail Shatib, como tambe e minister di Husticia Hossein Rahimi, ambos cual a sirbi bao e presidente difunto Ebrahim Raisi. Pezeshkian tambe a pone e minister di Industria di Raisi, Abbas Aliabadi, den e posicion di minister di Energia.

Pa anula proposicionnan di minister ta un tradicion den e parlamento di Iran, cual ta haci e exito di Pezeshkian mas asombroso. Ex-presidente reformista Mohammad Khatami tabata e unico presidente cu a ricibi voto di confiansa pa tur su ministernan proponi na ambos 1997 y 2001.

Ucrania a lansa e mayor atake cu drone na Moscu y otro region di Rusia

(Infobae) - Ayera diaranson, Ucrania a lansa contra Moscu 11 drone cu, segun Rusia, a ser benta abou durante un di e mayor atake contra e capital, mientras defensa Ucrani-ano a informa cu a tumba 50 drone y misilnan Ruso.

Atakenan riba Moscu ta produci memey di un ofensiva Ucrani-ano den region Ruso di Kursk, cu segun Kiev, tin como obhetivo acerca e final di e campaña realisa pa Rusia na februari 2022 den terminonan "husto."

"Diesun avion sin tripulacion a ser destrui" riba Moscu y den region rond di dje, Ministerio di Defensa a bisa.

"Ta trata di un di e mayor intento di ataca Moscu cu drone," alcalde di Moscu, Sergei Sobyenin a declara. Ademá, tambe a bisa den un mensahe anterior cu no a registra ni dañonan ni victima. Despues di e atake, a aplica restriccion temporal na aeropuertonan di Vnukovo, Domodedovo y Zhukovsky for di 2.30 te cu 6.30, e organismo di control di avion Rosaviatsia a bisa. Na aeropuerto Sheremetevo no



tabatin restriccion.

Atakenan cu drone contra Moscu ta poco frecuente. Na mei, Rusia a declara cu a benta abou un drone afo di e capital, loke a obliga impone

restriccion na dos aeropuerto importante di e ciudad durante por lo menos un ora.

Den total, 45 drone di Ucrania a ser destrui pa sistemanan di defensa antiaereo Ruso,

segun Ministerio di Defensa Ruso.

Mientras tanto, trupanen di Kiev ta continua nan asalto transfronteriso sin precedente den region Ruso di Kursk,

na unda ta afirma cu tin bao control mas di 80 luga.

Den ultimo 24 ora, Defensa antieroe Ruso a benta abou cuatro misil y un dozijn di drone na regionnan frontera cu Ucrania, entre nan Kursk. Otro dos misil Ucrani-ano a ser tumba den e shelonan di Kursk, segun e gobernador den funcion di e teritorio Alexei Smirnov a skirbi na Telegram.

Oranan prome, Smirnov a confirma cu otro dos misil y dos drone a ser destrui na Kursk.

Servicionan medico Ruso ayera a subi te 31 e cifra di personanan morto y na 143 e cantidad di herido debi na ofensiva na Kursk. Segun Kiev, den mas di dos siman di combate su trupanen a haya e control di casi 93 localidad y di mas di 1,200 kilómetro cuadra di teritorio Ruso, loke a obliga evacua mas di 122,000 habitante di e zona.

Ayera diaranson, Comision Electoral Central (CEC) di Rusia a cancela di manera indefini eleccion regional na shete municipio di e region debi na ofensiva Ucrani-ano.

Barack y Michelle Obama ta duna nan sosten na Kamala Harris

(DW) - Ex-presidente di Merca, Barack Obama y su casa, ex-prome dama, Michelle Obama, diamars ultimo a duna nan respald na candidato di Presidencia di Merca, Kamala Harris, durante e di dos anochi di Convencion Nacional Demócrata (DNC) na Chicago.

Ex-presidente Mericano a bisa na audiencia cu Mericanonan ta "cla" pa un presidencia di Kamala Harris, ken a ser nomina oficialmente den e fiesta partidario.

"Nos ta cla pa e presidente Kamala Harris y Kamala Harris ta cla pa e trabou aki, ta un persona cu a lucha henter su bida pa hendenan cu tin mester di un bos," el a bisa memey di aplausonan.

"Si, e por" Obama a bisa, den un adaptacion di slogan cu a marca su yegada na Presidencia na 2008.

Di su parti, Michelle Obama a pone su energia den stadion unda ta celebra e Convencion cu atakenan na ex-presidente

y candidato Republicano Donald Trump (2017-2021) y a describi Kamala Harris como heredero di "speransa."

E ex-prome dama a ser ricibi cu aplausonan y gritonan di alegria di miles di persona na stadion United Center, na unda awe 22 di augustus Harris ta bay duna un discurso pa acepta e nominacion Demócrata.

Michelle Obama a gradici e aplausonan y a afirma cu "tabatin algo maraviosamente magico den aire," no solamente den stadion, sino na tur e pais, un "sentimiento familiar cu ser a dera pa basta tempo."

"Boso sa di kico mi ta papia, berdad? ta e anticipacion, energia, e emocion di ta cerca di otro dia briyante," Harris a afirma y despues a grita "Merca, speransa ta bin back."

Un di e momentonan mas emotivo tabata e casa di Kamala Harris, Doug Emhoff, ken a present'e manera un "guerero alegre" y un hende



muhe "di man duro" prepara pa ocupa e Cas Blanco.

Emhoff, casa cu Harris na 2014 den nan di dos matrimonio y cu lo por bira e "prome cabayero" di historia di Merca a participa y apoya su casa durante casi cuatro aña na vice-presidencia y den actividadnan di campaña for

di 2020.

El a papia di su "famia mescla," un tata divorcia cu dos mucha cu a casa cu un fiscal general cu a asumi su yiunan como propio y a conecta cu su fe Hudiu.

E dos yiu di Emhoff, Ella y Cole, ta yama Harris "Mamala", algo cu e casa di e can-

didato presidencial di e pais a recorda den su discurso.

E candidato presidencial y su compañero di formula, gobernador di Minnesota Tim Walz, a bandona e Convencion Demócrata pa participa den un campaña na ciudad di Milwaukee, Wisconsin.